

影刊宋金元明本詞

第十一册

宋紹興十八年晁謙之刻花間集十卷半葉十  
行行十八字謙之字恭道无咎從弟敷文閣直  
學士知建康府跋稱建康舊有本是正復刊益  
其守郡時也明緡本晁跋後有正德辛巳吳郡  
陸元大宋本重刻一行他印本多刻去以充宋  
槧自敏求記以降諸家書目所收大率皆是本  
都穆跋晉二俊文集謂予家藏本吳士陸元大  
爲重刻之袁翼刻淳熙本李翰林別集亦稱得  
於元大王惕甫淵雅堂集引顧元慶夷白齋詩  
話陸子元大本洞庭涵村世家性疏嬾好遠遊  
晚歲業書浮湛吳市嘗刻漫橐中有寄余云嘗  
記尋君過澣墅竹青塘上喚輕橈據此則元大

乃書賈之能詩者周弘祖古今書刻蘇州府有  
花間集當即是本陸其清佳趣堂書目花間集  
十卷震澤王氏刻案李翰林別集版在怡老園  
豈此刻後來亦歸王氏歟臨桂王鵬運以海源  
閣宋本覆刻據紙背官文書證爲淳熙鄂州刊  
印汲古詞苑英華本有陸務觀兩跋題開禧元  
年南宋三刻實以晁爲最古前人有謂汲古出  
北宋本者殆未攷也今以陸本重摹上版正德  
刊書古雅遠勝嘉靖近代槧工即乾嘉間刻且  
不能彷彿萬一此則時代爲之非人力所可強  
幾已意有感觸聊發其凡甲寅八月仁和吳昌  
綬

花間集序

武德軍節度判官歐陽炯撰

鏤玉雕瓊擬化工而迥巧裁花剪葉奪春艷以  
爭鮮是以唱雲謠則金母詞清挹霞醴則穆王  
心醉名高白雪聲聲而自合鸞歌響遏青雲字  
字而偏諧鳳律楊柳大堤之句樂府相傳芙蓉  
曲渚之篇豪家自製莫不爭高門下三千玳瑁  
之簪普富罇前數十珊瑚之樹則有綺筵公子  
繡幌佳人遞葉葉之花牋文抽麗錦舉纖纖之  
玉指拍按香檀不無清絕之辭用助嬌饒之態

自南朝之宮體扇北里之倡風何止言之不文  
所謂秀而不實有唐已降率土之濱家家之香  
逕春風寧尋越艷處處之紅樓夜月自鎖常娥  
在明皇朝則有李太白應制清平樂詞四首近  
代溫飛卿復有金筮集邇來作者無媿前人今  
衛尉少卿字弘基以拾翠洲邊自得羽毛之異  
織綃泉底獨殊機杼之功廣會衆賓時延佳論  
因集近來詩客曲子詞五百首分爲十卷以烟  
粗預知音辱請命題仍爲序引昔郢人有歌陽  
春者號爲絕唱乃命之爲花間集庶以陽春之

甲將使西園英哲用資羽蓋之歡南國嬋娟休  
唱蓮舟之引時大蜀廣政三年夏四月日序

花間集一部十卷

銀青光祿大夫行衛尉少卿趙

崇祚集

温助教

廷筠 十六首

皇甫先輩

松 一首

韋相

莊 十七首

薛侍郎

昭蘊 十九首

牛給事

嶠 十三首

張舍人

泌 二十七首

毛司徒

文錫 十一首

牛學士

希濟 十一首

歐陽舍人

焜 七首

和學士

凝 二十首

顧太尉

夔 十五首

孫少監

光憲 十一首

魏太尉

承斑 十五首

鹿太尉

虔 六首

閻處士

選 八首

尹叅卿

鶚 六首

毛祕書  
三十首

李秀才  
三十一首



花間集卷第一

銀青光祿大夫行衛尉少卿趙崇祚集

温廷筠五十首

菩薩蠻

小山重疊金明滅。鬢雲欲度香頰雪。懶起畫蛾眉。弄粧梳洗遲。  
照花前後鏡。花面交相映。新帖繡羅襦。雙雙金鷓鴣。

其二

水精簾裏頗梨枕。暖香惹夢鴛鴦錦。江上柳如烟。鴈飛殘月天。  
藕絲秋色淺。人勝參差箭。雙

鬢隔香紅。玉釵頭上風。

其三

蕊黃無限當山額。宿粧隱笑紗窗隔。相見牡丹時。暫來還別離。翠釵金作股。釵上蝶雙舞。心事竟誰知。月明花滿枝。

其四

翠翹金縷雙鷓鴣。水紋細起春池碧。池上海棠梨。雨晴紅滿枝。繡衫遮笑靨。煙草粘飛蝶。青瑣對芳菲。玉關音信稀。

其五

杏花含露團香雪。綠楊陌上多離別。燈在月隴  
明。覺來聞曉鶯。玉鈎寒翠幕。粧淺舊眉薄。春  
夢正關情。鏡中蟬鬢輕。

其六

玉樓明月長相憶。柳絲裊娜春無力。門外草萋  
萋。送君聞馬嘶。畫羅金翡翠。香燭銷成淚。花  
落子規啼。綠窓殘夢迷。

其七

鳳皇相對盤金縷。牡丹一夜經微雨。明鏡照新  
粧。鬢輕雙臉長。畫樓相望久。欄外垂絲柳。音

信不歸來。社前雙燕迴。

其八

牡丹花謝鶯聲歇。綠楊滿院中庭月。相憶夢難成。背窓燈半明。翠鈿金壓臉。寂寞香閨掩。人遠淚闌干。燕飛春又殘。

其九

滿宮明月梨花白。故人萬里關山隔。金鴈一雙飛。淚痕沾繡衣。小園芳草綠。家住越溪曲。楊柳色依依。燕歸君不歸。

其十

寶函鈿雀金鷄。麝沉香闌上。吳山碧。楊柳又如  
絲。驛橋春兩時。畫樓音信斷。芳草江南岸。鸞  
鏡與花枝。此情誰得知。

其十一

南園滿地堆輕絮。愁聞一霎清明雨。雨後却斜  
陽。杏花零落香。無言勾睡臉。枕上屏山掩。時  
節欲黃昏。無慘獨倚門。

其十二

夜來皓月纔當午。重簾悄悄無人語。深處麝煙  
長。卧時留薄粧。當年還自惜。往事那堪憶。花

露月明殘錦衾知曉寒。

其十三

雨晴夜合玲瓏日。萬枝香裏紅絲拂。閑夢憶金堂。滿庭萱草長。繡簾垂景歎。眉黛遠山綠。春水渡溪橋。凭欄魂欲銷。

其十四

竹風輕動庭除冷。珠簾月上玲瓏影。山枕隱穠粧。綠檀金鳳皇。兩蛾愁黛淺。故國吳宮遠。春恨正關情。畫樓殘點聲。

更漏子

柳絲長。春雨細。花外漏聲迢遞。驚塞鴈。起城烏。  
畫屏金鷓鴣。香霧薄。透簾幕。惆悵謝家池閣。  
紅燭背。繡簾垂。夢長君不知。

其二

星斗稀。鍾鼓歇。簾外曉鶯殘月。蘭露重。柳風斜。  
滿庭堆落花。虛閣上。倚欄望。還似去年惆悵。  
春欲暮。思無窮。舊歡如夢中。

其三

金雀釵。紅粉面。花裏暫時相見。知我意。感君憐。  
此情須問天。香作穗。蠟成淚。還似兩人心意。

山枕膩錦衾寒。覺來更漏殘。

其四

相見稀。相憶久。眉淺澹煙如柳。垂翠幕。結同心。  
待郎燠繡衾。城上月。白如雪。蟬鬢美人愁絕。  
宮樹暗。鵲橋橫。玉籤初報明。

其五

背江樓。臨海月。城上角聲嗚咽。堤柳動。島煙昏。  
兩行征鴈分。京口路。歸帆渡。正是芳菲欲度。  
銀燭盡。玉繩低。一聲村落鷄。

其六



玉鑪香。紅蠟淚。偏照畫堂秋思。眉翠薄。鬢雲殘。  
夜長衾枕寒。梧桐樹。三更雨。不道離情正苦。  
一葉葉。一聲聲。空階滴到明。

歸國遙

香玉翠鳳寶釵垂。景歛。鈿笄交勝金粟。越羅春  
水淥。畫堂照簾殘燭。夢餘更漏促。謝娘無限  
心曲。曉屏山斷續。

其二

雙臉。小鳳戰篋金飈艷。舞衣無力風斂。藕絲秋  
色染。錦帳繡幃斜掩。露珠清曉簟。粉心黃蕊

花壓黛眉山兩點。

酒泉子

花映柳條。閑向綠萍池上。凭欄干。窺細浪。雨蕭蕭。  
近來音信兩踈索。洞房空寂寞。掩銀屏。垂翠箔。度春宵。

其二

日映紗窻。金鴨小屏山碧。故鄉春。煙靄隔。背蘭  
釭。宿粧惆悵倚高閣。千里雲影薄。草初齊。花  
又落。燕雙雙。

其三

楚女不歸。樓枕小河春水。月孤明。風又起。杏花  
稀。玉釵斜篸雲鬟髻。裙上金縷鳳。八行書。千  
里夢。鴈南飛。

其四

羅帶惹香。猶繫別時紅豆。淚痕新。金縷舊。斷離  
腸。一雙嬌燕語雕梁。還是去年時節。綠陰濃。  
芳草歇。柳花狂。

定西番

漢使昔年離別。攀弱柳。折寒梅。上高臺。千里  
玉關春雪。鴈來人不來。羌笛一聲愁絕。月徘徊。

其二

海燕欲飛調羽。萱草綠。杏花紅。隔簾攏。雙鬢  
翠霞金縷。一枝春艷濃。樓上月明三五。瑣窗中。

其三

細雨曉鶯春晚。人似玉。柳如眉。正相思。羅幕  
翠簾初捲。鏡中花一枝。腸斷塞門消息。鴈來稀。

楊柳枝

宜春苑外最長條。閑裏春風伴舞腰。正是玉人  
腸絕處。一渠春水赤欄橋。

其二

南內墻東御路傍。須知春色柳絲黃。杏花未肯  
無情思。何事行人最斷腸。

其三

蘇小門前柳萬條。毵毵金線拂平橋。黃鶯不語  
東風起。深閉朱門伴舞腰。

其四

金縷毵毵碧瓦溝。六宮眉黛惹香愁。晚來更帶  
龍池雨。半拂欄干半入樓。

其五

館娃宮外鄴城西。遠映征帆近拂堤。繫得王孫

歸意切。不同芳草綠萋萋。

其六

兩兩黃鸝色似金。裊枝啼露動芳音。春來幸自  
長如線。可惜牽纏蕩子心。

其七

御柳如絲映九重。鳳皇窓映繡芙蓉。景陽樓畔  
千條路。一面新粧待曉風。

其八

織錦機邊鶯語頻。停梭垂淚憶征人。塞門三月  
猶蕭索。縱有垂楊未覺春。

南歌子

手裏金鸚鵡。肯前繡鳳皇。偷眼暗形相。不如從  
嫁與。作鴛鴦。

其二

似帶如絲柳。團酥握雪花。簾捲玉鈎斜。九衢塵  
欲暮。逐香車。

其三

鬢墮低梳髻。連娟細掃眉。終日兩相思。爲君憔悴  
盡。百花時。

其四

本居集一  
臉上金霞細。眉間翠鈿深。欹枕覆鴛衾。隔簾鶯  
百轉。感君心。

其五

撲藥添黃子。呵花滿翠鬟。鴛枕映屏山。月明三  
五夜。對芳顏。

其六

轉眄如波眼。娉婷似柳腰。花裏暗相招。憶君腸  
欲斷。恨春宵。

其七

懶拂鴛鴦枕。休縫翡翠裙。羅帳罷鑪燠。近來心



更切爲思君。

河瀆神

河上望叢祠。廟前春雨來時。楚山無限鳥飛遲。  
蘭棹空傷別離。何處杜鵑啼不歇。艷紅開盡  
如血。蟬鬢美人愁絕。百花芳草佳節。

其二

孤廟對寒潮。西陵風雨蕭蕭。謝娘惆悵倚蘭橈。  
淚流玉筯千條。暮天愁聽思歸樂。早梅香滿  
山郭。回首兩情蕭索。離魂何處飄泊。

其三

銅鼓賽神來。滿庭幡蓋徘徊。水村江浦過風雷。  
楚山如畫煙開。離別櫓聲空蕭索。玉容惆悵  
粧薄。青麥燕飛落落。捲簾愁對珠閣。

女冠子

含嬌含笑。宿翠殘紅窈窕。鬢如蟬。寒玉簪秋水。  
輕紗捲碧煙。雪首鸞鏡裏。琪樹鳳樓前。寄語  
青娥伴。早求仙。

其二

霞帔雲髮。鈿鏡仙容似雪。盡愁眉。遮語迴輕扇。  
含羞下繡幃。玉樓相望久。花洞恨來遲。早晚

乘鸞去莫相遺。

玉胡蝶

秋風淒切傷離。行客未歸時。塞外草先衰。江南  
鴈到遲。芙蓉凋嫩臉。楊柳墮新眉。搖落使人  
悲。斷腸誰得知。

花間集卷第一



花間集卷第二

温廷筠十六首

清平樂

上陽春晚。宮女愁蛾淺。新歲清平思同輦。爭奈  
長安路遠。鳳帳鴛被徒燠。寂寞花鎖千門。芻  
把黃金買賦。爲妾將上明君。

其二

洛陽愁絕。楊柳花飄雪。終日行人恣攀折。橋下  
水流嗚咽。上馬爭勸離觴。南浦鶯聲斷腸。愁  
殺平原年少。迴首揮淚千行。

遐方怨

憑繡檻。解羅幃。未得君書。斷腸瀟湘春鴈飛。不知征馬幾時歸。海棠花謝也。雨霏霏。

其二

花半拆。雨初晴。未捲珠簾。夢殘惆悵聞曉鶯。宿粧眉淺粉山橫。約髮鸞鏡裏。繡羅輕。

訴衷情

鶯語花舞。春晝午。雨霏微。金帶枕。宮錦鳳皇帷。柳弱燕交飛。依依。遼陽音信稀。夢中歸。

思帝鄉

花花滿枝紅似霞。羅袖畫簾腸斷。卓香車。迴面  
共人閑語。戰篋金鳳斜。唯有阮郎春盡不歸家。  
千萬恨。恨極在天涯。山月不知心裏事。水風空  
落眼前花。摇曳碧雲斜。

夢江南

其二

梳洗罷。獨倚望江樓。過盡千帆皆不是。斜暉脈  
脈水悠悠。腸斷白蘋洲。

河傳

江畔。相喚。曉粧鮮。仙景箇女採蓮。請君莫向那

岸邊少年好花新滿船。紅袖搖曳逐風暖。垂  
玉腕。腸向柳絲斷。浦南歸。浦北歸。莫知晚來人  
已稀。

其二

湖上閑望。雨蕭蕭。煙浦花橋路。遙謝娘翠蛾愁  
不銷。終朝夢魂迷晚潮。蕩子天涯歸棹遠。春  
已晚。鶯語空腸斷。若耶溪。溪水西。柳堤不聞郎  
馬嘶。

其三

同伴相喚杏花稀。夢裏每愁依違。仙客一去燕



已飛不歸。淚痕空滿衣。天際雲鳥引情遠。春  
已晚。煙靄渡南苑。雪梅香。柳帶長。小娘轉令人  
意傷。

蕃女怨

萬枝香雪開已遍。細雨雙燕。鈿蟬箏。金雀扇。盡  
梁相見。鴈門消息不歸來。又飛迴。

其二

磧南沙上驚鴈起。飛雪千里。玉連環。金鏃箭。年  
年征戰。盡樓離恨錦屏空。杏花紅。

荷葉盃

木犀集二  
三  
一點露珠凝冷。波影滿池塘。綠莖紅艷兩相亂。  
腸斷水風涼。

其二

鏡水夜來秋月如雪。採蓮時。小娘紅粉對寒浪。  
惆悵正思惟。

其三

楚女欲歸南浦。朝雨濕愁紅。小船搖漾入花裏。  
波起隔西風。

皇甫松十一首

天仙子

晴野鷺鷥飛一隻。水蒨花發秋江碧。劉郎此日  
別天仙。登綺席。淚珠滴。十二晚峯高歷歷。

其二

躑躅花開紅照水。鷓鴣飛遶青山紫。行人經歲  
始歸來。千萬里。錯相倚。懊惱天仙應有以。

浪濤沙

灘頭細草接疎林。浪惡曾船半欲沉。宿鷺眠鷗  
非舊浦。去年沙嘴是江心。

其二

蠻歌豆蔻北人愁。蒲雨杉風野艇秋。浪起鷓鴣

才月集二  
眠不得寒沙細細入江流。

楊柳枝

春入行宮映翠微。玄宗侍女舞煙絲。如今柳向  
空城綠。玉笛何人更把吹。

其二

爛熳春歸水國時。吳王宮殿柳絲垂。黃鶯長叫  
空閨畔。西子無因更得知。

摘得新

酌一卮。須教玉笛吹。錦筵紅蠟燭。莫來遲。繁紅  
一夜經風雨。是空枝。

其二

摘得新枝。枝葉葉春。管絃兼美酒。最關人。平生  
都得幾十度。展香茵。

夢江南

蘭燼落。屏上暗紅蕉。閑夢江南梅熟日。夜船吹  
笛雨蕭蕭。人語驛邊橋。

其二

樓上寢殘月。下簾旌。夢見秣陵惆悵事。桃花柳  
絮滿江城。雙髻坐吹笙。

採蓮子

菡萏香連十頃陂。舉棹小姑貪戲採蓮遲。年少

晚來弄水船頭濕。舉棹更脫紅裙裹鴨兒。年少

船動湖光灩灩秋。舉棹貪看年少信船流。年少

無端隔水拋蓮子。舉棹遙被人知半日羞。年少

韋莊二十二首

浣溪沙

清曉粧成寒食天。柳毬斜裏間花鈿。捲簾直出

畫堂前。指點牡丹初綻。日高猶自凭朱欄。

含嚔不語恨春殘。

其二

欲上鞦韆四體慵。擬交人送，又心忪。畫堂簾幕  
月明風。此夜有情誰不極。隔墻梨雪，又玲瓏。  
玉容憔悴惹微紅。

其三

惆悵夢餘山月斜。孤燈照壁背窗紗。小樓高閣  
謝娘家。暗想玉容何所似。一枝春雪凍梅花。  
滿身香霧簇朝霞。

其四

綠樹藏鶯鶯正啼。柳絲斜拂白銅堤。弄珠江上  
草萋萋。日暮飲歸何處客。繡鞍驟馬一聲嘶。

滿身蘭麝醉如泥。

其五

夜夜相思更漏殘。傷心明月凭欄干。想君思我錦衾寒。咫尺畫堂深似海。憶來唯把舊書看。幾時攜手入長安。

菩薩蠻

紅樓別夜堪惆悵。香燈半捲流蘇帳。殘月出門時。美人和淚辭。琵琶金翠羽。絃上黃鶯語。勸我早歸家。綠窻人似花。

其二



人人盡說江南好。遊人只合江南老。春水碧於天。畫船聽雨眠。鑪邊人似月。皓腕凝雙雪。未老莫還鄉。還鄉須斷腸。

其三

如今却憶江南樂。當時年少春衫薄。騎馬倚斜橋。滿樓紅袖招。翠屏金屈曲。醉入花叢宿。此度見花枝。白頭誓不歸。

其四

勸君今夜須沉醉。罇前莫話明朝事。珍重主人心。酒深情亦深。須愁春漏短。莫訴金盃滿。遇

酒且呵呵。人生能幾何。

其五

洛陽城裏春光好。洛陽才子他鄉老。柳暗魏王堤。此時心轉迷。桃花春水綠。水上鴛鴦浴。凝恨對殘暉。憶君君不知。

歸國遙

春欲暮。滿地落花紅帶雨。惆悵玉籠鸚鵡。單栖無伴侶。南望去程何許。問花花不語。早晚得同歸去。恨無雙翠羽。

其二

金翡翠。爲我南飛傳我意。罨畫橋邊春水。幾年  
花下醉。別後只知相愧。淚珠難遠寄。羅幕繡  
幃。駕被舊歡如夢裏。

其三

春欲晚。戲蝶遊蜂花爛熳。日落謝家池館。柳絲  
金縷斷。睡覺綠鬟風亂。畫屏雲雨散。閑倚博  
山長歎。淚流沾皓腕。

應天長

綠槐陰裏黃鶯語。深院無人春晝午。畫簾垂。金  
鳳舞。寂寞繡屏香一炷。碧天雲。無定處。空有

才月集二  
夢魂來去。夜夜綠窓風雨。斷腸君信否。

其二

別來半歲音書絕。一寸離腸千萬結。難相見。易相別。又是玉樓花似雪。暗相思。無處說。惆悵夜來煙月。想得此時情切。淚沾紅袖斲。

荷葉盃

絕代佳人難得。傾國花下見無期。一雙愁黛遠山眉。不忍更思惟。閑掩翠屏金鳳。殘夢羅幕。畫堂空碧天無路。信難通。惆悵舊房攏。

其二

記得那年花下。深夜初識謝娘時。水堂西面畫  
簾垂。攜手暗相期。惆悵曉鶯殘月。相別從此  
隔音塵。如今俱是異鄉人。相見更無因。

清平樂

春愁南陌。故國音書隔。細雨霏霏梨花白。燕拂  
畫簾金額。盡日相望王孫。塵滿衣上淚痕。誰  
向橋邊吹笛。駐馬西望銷魂。

其二

野花芳草。寂寞關山道。柳吐金絲鶯語早。惆悵  
香閨暗老。羅帶悔結同心。獨凭朱欄思深夢

覺半床斜月。小窻風觸鳴琴。

其三

何處遊女。蜀國多雲雨。雲解有情花解語。空地  
繡羅金縷。粧成不整金鈿。含羞待月鞦韆。住  
在綠槐陰裏。門臨春水橋邊。

其四

鶯啼殘月。繡閣香燈滅。門外馬嘶郎欲別。正是  
落花時節。粧成不畫蛾眉。含愁獨倚金扉。去  
路香塵莫掃。掃即郎去歸遲。

望遠行

欲別無言倚畫屏。含恨暗傷情。謝家庭樹錦鷄  
鳴。殘月落邊城。人欲別馬頻嘶。綠槐千里長  
堤。出門芳草路萋萋。雲雨別來易東西。不忍別  
君後。却入舊香閨。

花間集卷第二





花間集卷第三

韋莊二十五首

謁金門

春漏促。金燼暗挑殘燭。一夜簾前風撼竹。夢魂  
相斷續。有箇嬌饒如玉。夜夜繡屏孤宿。閑抱  
琵琶尋舊曲。遠山眉黛綠。

其二

空相憶。無計得傳消息。天上常娥人不識。寄書  
何處覓。新睡覺來無力。不忍把伊書跡。滿院  
落花春寂寂。斷腸芳草碧。

江城子

恩重嬌多情。易傷。漏更長。解鴛鴦。朱唇未動。先覺口脂香。緩揭繡衾。抽皓腕。移鳳枕。枕潘郎。

其二

髻鬟狼籍黛眉長。出蘭房。別檀郎。角聲嗚咽。星斗漸微茫。露冷月殘人未起。留不住。淚千行。

河傳

何處煙雨。隋堤春暮。柳色葱蘢。畫撓金縷。翠旗高颭。香風水光融。青娥殿脚春粧媚。輕雲裏。綽約司花妓。江都宮闕。清淮月。映迷樓。古今愁。

其二

春晚風暖。錦城花滿。狂殺遊人。玉鞭金勒尋勝。  
馳驟輕塵。惜良辰。翠娥爭勸臨卣酒。纖纖手。  
拂面垂絲柳。歸時煙裏鐘鼓。正是黃昏。暗銷魂。

其三

錦浦春女。繡衣金縷。霧薄雲輕。花深柳暗時節。  
正是清明。雨初晴。玉鞭魂斷煙霞路。鶯鶯語。  
一望巫山雨。香塵隱映。遙見翠檻紅樓。黛眉愁。

天仙子

悵望前回夢裏期。看花不語苦尋思。露桃宮裏

小腰肢。眉眼細。鬢雲垂。唯有多情宋玉知。

其二

深夜歸來長酩酊。扶入流蘇猶未醒。醺醺酒氣麝蘭和。驚睡覺笑呵呵。長道人生能幾何。

其三

蟾彩霜華夜不分。天外鴻聲枕上聞。繡衾香冷嬾熏薰。人寂寂。葉紛紛。纔睡依前夢見君。

其四

夢覺雲屏依舊空。杜鵑聲咽隔簾櫳。玉郎薄幸去無蹤。一日日。恨重重。淚界蓮腮兩線紅。

其五

金似衣裳玉似身。眼如秋水鬢如雲。霞裙月帔  
一羣羣。來洞口。望煙分。劉阮不歸春日曛。

喜遷鶯

人洶洶。鼓鼙鼙。襟袖五更風。大羅天上月朦朧。  
騎馬上虛空。香滿衣。雲滿路。鸞鳳遶身飛舞。  
霓旌絳節。一羣羣。引見玉華君。

其二

街鼓動。禁城開。天上探人迴。鳳銜金榜出雲來。  
平地一聲雷。鶯已遷龍已化。一夜滿城車馬。

本居集三  
三  
家家樓上簇神仙。爭看鶴冲天。

思帝鄉

雲髻墜。鳳釵垂。髻墜釵垂無力。枕函欹。翡翠屏  
深月落。漏依依。說盡人間天上。兩心知。

其二

春日遊。杏花吹滿頭。陌上誰家年少。足風流。妾  
擬將身嫁與。一生休。縱被無情棄。不能羞。

訴中情

燭燼香殘。簾未捲。夢初驚。花欲謝。深夜月朧明。  
何處按歌聲。輕輕舞衣塵。暗生。負春情。

其二

碧沼紅芳煙雨靜。倚蘭橈。垂玉珮。交帶裏。纖腰。鴛夢隔星橋。迢迢越羅香。暗銷墜花翹。

上行盃

芳草灞陵春岸。柳煙深。滿樓絃管。一曲離聲。腸寸斷。今日送君千萬。紅鏤玉盤金鏤盞。須勸珍重意。莫辭滿。

其二

白馬玉鞭金轡。少年郎。離別容易。迢遞去程。千萬里。惆悵異鄉雲水。滿酌一盃勸和淚。須愧。

才月集三  
珍重意莫辭醉。

女冠子

四月十七。正是去年今日。別君時。忍淚佯低面。  
含羞半斂眉。不知魂已斷。空有夢相隨。除却  
天邊月。没人知。

其二

昨夜夜半。枕上分明夢見。語多時。依舊桃花面。  
頻低柳葉眉。半羞還半喜。欲去又依依。覺來  
知是夢。不勝悲。

更漏子



鍾鼓寒樓閣。暝月照古桐金井。深院閉小庭空。  
落花香露紅。煙柳重春霧薄。燈背水窗高閣。  
閑倚戶。暗沾衣。待郎郎不歸。

酒泉子

月落星沉樓上美人春睡。綠雲傾金枕膩。畫屏  
深。子規啼破相思夢。曙色東方纔動。柳煙輕。  
花露重。思難任。

木蘭花

獨上小樓春欲暮。愁望玉關芳草路。消息斷不  
逢人。却斂細眉歸繡戶。坐看落花空歎息。羅

才月集三  
三  
袂濕斑紅淚滴。千山萬水不曾行。魂夢欲教何處覓。

小重山

一閉昭陽春又春。夜寒宮漏永。夢君恩。卧思陳事。暗消魂。羅衣濕紅。袂有啼痕。歌吹隔重閣。遶庭芳草綠。倚長門。萬般惆悵。向誰論。凝情立。宮殿欲黃昏。

薛昭蘊十九首

浣溪沙

紅蓼渡頭秋正雨。印沙鷗跡自成行。整鬟飄袖

野風香。不語含嚔深浦裏。幾迴愁煞棹船郎。  
燕歸帆盡水茫茫。

其二

鈿匣菱花錦帶垂。靜臨蘭檻卸頭時。約鬟低珥  
筓歸期。茂苑草青湘渚闊。夢餘空有漏依依。  
二年終日損芳菲。

其三

粉上依稀有淚痕。郡庭花落斂黃昏。遠情深恨  
與誰論。記得去年寒食日。延秋門外卓金輪。  
日斜人散暗銷魂。

其四

握手河橋柳似金。蜂鬚輕惹百花心。蕙風蘭思  
寄清琴。意滿便同春水滿。情深還似酒盃深。  
楚煙湘月兩沉沉。

其五

簾下三間出寺墻。滿街垂柳綠陰長。嫩紅輕翠  
間濃粧。瞥地見時猶可可。却來閑處暗思量。  
如今情事隔仙鄉。

其六

江館清秋攬客船。故人相送夜開筵。麝煙蘭燄

簇花鈿。正是斷魂迷楚雨。不堪離恨咽湘絃。  
月高霜白水連天。

其七

傾國傾城恨有餘。幾多紅淚泣姑蘇。倚風凝睇  
雪肌膚。吳主山河空落日。越王宮殿半平蕪。  
藕花菱蔓滿重湖。

其八

越女淘金春水上。步搖雲鬢珮鳴璫。渚風江草  
又清香。不爲遠山凝翠黛。只應含恨向斜陽。  
碧桃花榭憶劉郎。

喜遷鶯

殘蟾落曉鐘鳴。羽化覺身輕。乍無春睡，有餘醒。  
杏苑雪初晴。紫陌長襟袖冷。不是人間風景。  
迴看塵土似前生。休羨谷中鶯。

其二

金門曉。玉京春。駿馬驟輕塵。樺煙深處白衫新。  
認得化龍身。九陌喧千戶。啓滿袖桂香風細。  
杏園歡宴曲江濱。自此占芳辰。

其三

清明節雨晴天。得意正當年。馬驕泥軟錦連軋。

香袖半籠鞭。花色融人。贊賞盡是繡鞍朱鞅。  
日斜無計更留連。歸路草和煙。

小重山

春到長門春草青。玉堦華露滴。月朧明。東風吹  
斷紫簫聲。宮漏促。簾外曉啼鶯。愁極夢難成。  
紅粧流宿淚。不勝情。手接裙帶。遶階行。思君切。  
羅幌暗塵生。愁極作愁起。遶階作  
遶宮非是。合從舊本。

其二

秋到長門秋草黃。畫梁雙燕去。出宮墻。玉簫無  
復理霓裳。金蟬墜。鸞鏡掩休粧。憶昔在昭陽。

舞衣紅綬帶。繡鴛鴦。至今猶惹御鑪香。魂夢斷。  
愁聽漏更長。

離別難

寶馬曉鞚雕鞍。羅幃乍別情難。那堪春景媚。送  
君千萬里。半粧珠翠。落露華寒。紅蠟燭。青絲曲。  
偏能鈎引淚。闌干。良夜促。香塵綠。魂欲迷。檀  
眉半斂。愁低。未別心先咽。欲語情難說出。芳草  
路東西。搖袖立。春風急。櫻花楊柳。雨淒淒。

相見歡

羅襦繡袂香紅。畫堂中。細草平沙蕃馬。小屏風。



卷羅幕。凭粧閣。思無窮。暮雨輕煙。魂斷隔簾  
攏。

醉公子

慢縮青絲髮。光研吳綾襪。床上小燠籠。韶州新  
退紅。叵耐無端處。捻得從頭污。惱得眼慵開。  
問人閑事來。

女冠子

求仙去也。翠鈿金篦。盡捨入岳巒。霧捲黃羅帳。  
雲彫白玉冠。野煙溪洞冷。林月石橋寒。靜夜  
松風下。禮天壇。

其二

雲羅霧縠。新授明威法錄。降真函。髻綰青絲髮。  
冠抽碧玉簪。往來雲過五。去住島經三。正遇  
劉郎使。啓瑤緘。

謁金門

春滿院。疊損羅衣金線。睡覺水精簾未捲。簷前  
雙語燕。斜掩金鋪一扇。滿地落花千片。早是  
相思腸欲斷。忍交頻夢見。

牛嶠五首

柳枝

解凍風來末上青。解垂羅袖拜卿卿。無端裹娜  
臨官路。舞送行人過一生。

其二

吳王宮裏色偏深。一簇纖條萬縷金。不憤錢塘  
蘇小小。引郎松下結同心。

其三

橋北橋南千萬條。恨伊張緒不相饒。金羈白馬  
臨風望。認得楊家靜婉腰。

其四

狂雪隨風撲馬飛。惹煙無力被春欺。莫交移入

靈和殿。宮女三千。又如伊。

其五

裏翠籠煙。拂暖波。舞裙新染麴塵羅。章華臺畔  
隋堤上。傍得春風。爾許多。

花間集卷第三

花間集卷第四

牛嶠二十六首

女冠子

綠雲高髻。點翠勻紅時世。月如眉。淺笑含雙靨。  
低聲唱小詞。眼看唯恐化。魂蕩欲相隨。玉趾  
迴嬌步。約佳期。

其二

錦江煙水。卓女燒春濃美。小檀霞。繡帶芙蓉帳。  
金釵芍藥花。額黃侵膩髮。臂釧透紅紗。柳暗  
鶯啼處。認郎家。

其三

星冠霞帔。住在藥珠宮裏。佩丁當。明翠搖蟬翼。  
織珪理宿粧。醮壇春草綠。藥院杏花香。青鳥  
傳心事。寄劉郎。

其四

雙飛雙舞。春書後園鶯語。卷羅幃。錦字書封了。  
銀河鴈過遲。鴛鴦排寶帳。荳蔻繡連枝。不語  
勻珠淚。落花時。

夢江南

噉泥燕。飛到畫堂前。占得杏梁安穩處。體輕唯

有主人憐。堪羨好因緣。

其二

紅繡被。兩兩間鴛鴦。不是鳥中偏愛爾。爲緣交頸睡南塘。全勝薄情郎。

感恩多

兩條紅粉淚。多少香閨意。強攀桃李枝。斂愁眉。陌上鶯啼蝶舞。柳花飛。柳花飛。願得郎心憶家還早歸。

其二

自從南浦別。愁見丁香結。近來情轉深。憶鴛衾。

力能集四  
二  
幾度將書託煙鴈。淚盈襟。淚盈襟。禮月求天。  
願君知我心。

應天長

玉樓春望晴煙滅。舞衫斜卷金條脫。黃鸝嬌轉  
聲初歇。杏花飄盡攏山雪。鳳釵低赴節。筵上  
王孫愁絕。鴛鴦對啣羅結。兩情深夜月。

其二

雙眉澹薄藏心事。清夜背燈嬌又醉。玉釵橫山  
枕膩。寶帳鴛鴦春睡美。別經時。無限意。虛道  
相思憔悴。莫信綵牋書裏。賺人腸斷字。



更漏子

星漸稀。漏頻轉。何處輪臺聲怨。香閣掩。杏花紅。  
月明楊柳風。挑錦字。記情事。唯願兩心相似。  
收淚語。背燈眠。玉釵橫枕邊。

其二

春夜闌。更漏促。金燼暗挑殘燭。驚夢斷。錦屏深。  
兩鄉明月心。閨草碧。望歸客。還是不知消息。  
辜負我。悔憐君。告天天不聞。

其三

南浦情。紅粉淚。爭柰兩人深意。低翠黛。卷征衣。

馬嘶霜葉飛。招手別。寸腸結。還是去年時節。  
書託鴈。夢歸家。覺來江月斜。

望江怨

東風急。惜別花時。手頻執。羅幃愁獨入。馬嘶殘  
雨春蕪濕。倚門立。寄語薄情郎。粉香和淚泣。

菩薩蠻

舞裙香暖金泥鳳。畫梁語燕驚殘夢。門外柳花  
飛。玉郎猶未歸。愁勻紅粉淚。眉前剪春山翠。何  
處是遼陽。錦屏春晝長。

其二

柳花飛處鶯聲急。晴街春色香車立。金鳳小簾  
開。臉波和恨來。今宵求夢想。難到青樓上。贏得  
一場愁。鴛衾誰竝頭。

其三

玉釵風動春幡急。交枝紅杏籠煙泣。樓上望卿  
卿。窻寒新雨晴。熏爐蒙翠被。繡帳鴛鴦睡。何  
處最相知。羨他初畫眉。

其四

畫屏重疊巫陽翠。楚神尚有行雲意。朝暮幾般  
心。向他情謾深。風流今古隔。虛作瞿塘客。山

月照山花。夢迴燈影斜。

其五

風簾燕舞鶯啼柳。粧臺約鬢低纖手。釵重髻盤  
珊。一枝紅牡丹。門前行樂客。白馬嘶春色。故  
故墜金鞭。迴頭應眼穿。

其六

綠雲鬢上飛金雀。愁眉斂翠春煙薄。香閣掩芙  
蓉。畫屏山幾重。窻寒天欲曙。猶結同心苜。啼  
粉污羅衣。問郎何日歸。

其七

玉樓冰簟鴛鴦錦。粉融香汗流山枕。簾外轆轤  
聲。斂眉含笑驚。柳陰煙漠漠。低鬢蟬釵落。須  
作一生拚。盡君今日歡。

酒泉子

記得去年。煙暖杏園花正發。雪飄香。江草綠。柳  
絲長。鈿車織手卷簾望。眉學春山樣。鳳釵低  
裏翠鬢上。落梅粧。

定西番

紫塞月明千里。金甲冷。戍樓寒。夢長安。鄉思  
望中天闊。漏殘星亦殘。畫角數聲鳴咽。雪漫漫。

玉樓春

春入橫塘。搖淺浪花。落小園空。惆悵此情誰信。  
爲狂夫。恨翠愁紅。流枕上。小玉窗前。嗔燕語。  
紅淚滴穿金線縷。鴈歸不見。報郎歸。織成錦字。  
封過與。

西溪子

捍撥雙盤金鳳。蟬鬢玉釵搖動。畫堂前。人不語。  
絃解語。彈到昭君怨處。翠蛾愁不擡頭。

江城子

鷓鴣飛起郡城東。碧江空。半灘風。越王宮殿蘋

葉藕花中。簾卷水樓。漁浪起。千片雪。雨濛濛。

其二

極浦煙消。水鳥飛離。筵分首時。送金卮。渡口楊  
花狂雪。任風吹。日暮空江。波浪急。芳草岸。雨如  
絲。

張泌二十三首

浣溪沙

鈿轂香車過柳堤。樺煙分處馬頻嘶。爲他沉醉  
不成泥。花滿驛亭香露細。杜鵑聲斷玉蟾低。  
含情無語倚樓西。

其二

馬上凝情憶舊遊。照花淹竹小溪流。鈿箏羅幕  
玉搔頭。早是出門長帶月。可堪分袂又經秋。  
晚風斜日不勝愁。

其三

獨立寒堦望月華。露濃香泛小庭花。繡屏愁背  
一燈斜。雲雨自從分散後。人間無路到仙家。  
但憑魂夢訪天涯。

其四

依約殘眉理舊黃。翠鬟拋擲一簪長。暖風晴日



罷朝粧。閑折海棠看。又撚玉纖無力。惹餘香。  
此情誰會倚斜陽。

其五

翡翠屏開繡幄紅。謝娥無力曉粧慵。錦帷鴛被  
宿香濃。微雨小庭春寂寞。燕飛鶯語隔簾攏。  
杏花凝恨倚東風。

其六

枕障熏鑪隔繡幃。二年終日兩相思。杏花明月  
始應知。天上人間何處去。舊歡新夢覺來時。  
黃昏微雨畫簾垂。

其七

花月香寒悄夜塵。綺筵幽會暗傷神。嬋娟依約  
畫屏人。人不見時還暫語。令纔拋後愛微顰。  
越羅巴錦不勝春。

其八

偏戴花冠白玉簪。睡容新起意沉吟。翠鈿金縷  
鎮眉心。小檻日斜風悄悄。隔簾零落杏花陰。  
斷香輕碧鎖愁深。

其九

晚逐香車入鳳城。東風斜揭繡簾輕。慢迴嬌眼

笑盈盈。消息未通何計是。便須佯醉且隨行。  
依稀聞道太狂生。

其十

小市東門欲雪天。衆中依約見神仙。紫黃香盡  
帖金蟬。飲散黃昏人草草。醉容無語立門前。  
馬嘶塵烘一街煙。

臨江仙

煙收湘渚秋江靜。蕉花露泣愁紅。五雲雙鶴去  
無蹤。幾迴魂斷。凝望向長空。翠竹暗留珠淚  
怨。閑調寶瑟波中。花鬢月鬢綠雲重。古祠深殿

香冷雨和風

女冠子

露花煙草。寂寞五雲三島。正春深。見減潛銷玉。  
香殘尚惹襟。竹疎虛檻靜。松密醮壇陰。何事  
劉郎去。信沉沉。

河傳

渺莽雲水。惆悵暮帆。去程迢遞。夕陽芳草。千里  
萬里。鴈聲無限起。夢魂悄。斷煙波裏。心如醉。  
相見何處是。錦屏香冷無睡。被頭多少淚。

其二

紅杏交枝相映。密密濛濛。一庭濃豔倚東風。香融透簾櫳。斜陽似共春光語。蝶爭舞。更引流鶯妬。魂銷千片。玉樽前。神仙瑤池醉暮天。

酒泉子

春雨打窗。驚夢覺來天氣曉。畫堂深紅焰小。背蘭缸。酒香噴鼻。懶開缸。惆悵更無人共醉。舊巢中。新燕子。語雙雙。

其二

紫陌青門。三十六宮春色。御溝輦路暗相通。杏園風。咸陽沽酒寶釵空。笑指未央歸去。插花

走馬落殘紅。月明中。

生查子

相見稀。喜相見。相見還相遠。檀畫荔枝紅。金蔓  
蜻蜓軟。魚鴈踈。芳信斷。花落庭陰晚。可惜玉  
肌膚。銷瘦成慵懶。

思越人

燕雙飛。鶯百轉。越波堤下長橋。鬪鈿花。笄金匣  
恰。舞衣羅薄。纖腰。東風澹蕩。慵無力。黛眉愁  
聚春碧。滿地落花無消息。月明腸斷空憶。

滿宮花

花正芳。樓似綺。寂寞上陽宮裏。鈿籠金瑣。睡鴛鴦。簾冷露華珠翠。嬌艷輕盈。香雪膩。細雨黃鶯雙起。東風惆悵。欲清明。公子橋邊沉醉。

柳枝

膩粉瓊粧透碧紗。雪休誇。金鳳搔頭墜鬢斜。髮交加。倚著雲屏新睡覺。思夢笑。紅腮隱出枕函花。有些些。

南歌子

柳色遮樓暗。桐花落砌香。畫堂開處遠風涼。高卷水精簾額。襯斜陽。

其二

岸柳拖煙綠。庭花照日紅。數聲蜀魄入簾櫳。驚斷碧窓殘夢。盡屏空。

其三

錦薦紅鷄鵝。羅衣繡鳳皇。綺疎飄雪北風狂。簾幕盡垂無事。鬱金香。

花間集卷第四



花間集卷第五

張泌四首

江城子

碧欄干外小中庭。雨初晴。曉鶯聲。飛絮落花時節近。清明睡起。卷簾無一事。勻面了。沒心情。

其二

浣花溪上見卿卿。臉波秋水明。黛眉輕。綠雲高綰。金簇小蜻蜓。好是問他來得磨。和笑道。莫多情。

河瀆神

古樹噪寒鴉。滿庭楓葉蘆花。晝燈當午隔輕紗。  
畫閣珠簾影斜。門外往來祈賽客。翩翩帆落  
天涯。回首隔江煙火。渡頭三兩人家。

胡蝶兒

胡蝶兒。晚春時。阿嬌初着淡黃衣。倚窗學畫伊。  
還似花間見。雙雙對對飛。無端和淚拭燕脂。  
惹教雙翅垂。

毛文錫三十一首

虞美人

鴛鴦對浴銀塘暖。水面蒲梢短。垂楊低拂麴塵

波蛟絲結網露珠多。滴圓荷。遙思桃葉吳江  
碧。便是天河隔。錦鱗紅鬣影沉沉。相思空有夢  
相尋。意難任。

其二

寶檀金縷鴛鴦枕。綬帶盤宮錦。夕陽低映小窗  
明。南園綠樹語鶯鶯。夢難成。玉鑪香暖頻添  
炷。滿地飄輕絮。珠簾不卷度沉煙。庭前閑立畫  
鞦韆。艷陽天。

酒泉子

綠樹春深。燕語鶯啼聲斷續。蕙風飄蕩。入芳叢。

惹殘紅。柳絲無力裏。煙空金盞不辭須滿酌。  
海棠花下思朦朧。醉香風。

喜遷鶯

芳春景。暖晴煙。喬木見鶯遷。傳枝隈。葉語關關。  
飛過綺叢間。錦翼鮮。金毳軟。百轉千嬌相喚。  
碧紗窻。曉怕聞聲。驚破鴛鴦暖。

贊成功

海棠未坼。萬點深紅。香包緘結一重重。似含羞  
態。邀勒春風。蜂來蝶去。任遶芳叢。昨夜微雨  
飄灑。庭中。忽聞敲耳滴井邊桐。美人驚起坐聽晨

鐘快教折取戴玉瓏璁。

西溪子

昨日西溪遊賞。芳樹竒花千樣。瑣春光。金罇滿。  
聽絃管。嬌妓舞衫香暖。不覺到斜暉。馬馱歸。

中興樂

荳蔻花繁煙艷深。丁香軟結同心。翠鬢女相與  
共淘金。紅蕉葉裏猩猩語。鴛鴦浦。鏡中鸞舞。  
絲雨隔荔枝陰。

更漏子

春夜闌。春恨切。花外子規啼月。人不見。夢難憑。

紅紗一點燈。偏怨別。是芳節。庭下丁香千結。  
宵霧散。曉霞輝。梁間雙燕飛。

接賢賓

香鞦鏤檐五花驄。值春景初融。流珠噴沫。躑躅  
汗。血流紅。少年公子能乘馭。金鑣玉轡。瓏  
玕爲惜。珊瑚鞭不下。驕生百步千蹤。信穿花。從拂  
柳。向九陌追風。

贊浦子

錦帳添香睡。金鑪換夕薰。懶結芙蓉帶。慵拖翡  
翠裙。正是桃夭柳媚。那堪暮雨朝雲。宋玉高

唐意裁瓊欲贈君。

甘州遍

春光好。公子愛閑遊。足風流。金鞍白馬。雕弓寶  
劍。紅纓錦襜。出長鞦。花蔽膝。玉銜頭。尋芳逐  
勝歡。宴絲竹。不曾休。美人唱。揭調是甘州。醉紅  
樓。堯年舜日。樂聖永無憂。

其二

秋風緊。平磧鴈行低。陣雲齊。蕭蕭颯颯。邊聲四  
起。愁聞戍角。與征鼙。青塚北。黑山西。沙飛聚  
散無定。往往路人迷。鐵衣冷。戰馬血沾蹄。破蕃

本月全三  
奚鳳皇詔下。步步躡丹梯。

紗窻恨

新春燕子還來至。一雙飛。壘巢泥濕時時墜。浣  
人衣。後園裏。看百花發。香風拂。繡戶金扉。月  
照紗窻。恨依依。

其二

雙雙蝶翅塗鈿粉。啣花心。綺窻繡戶飛來穩。盡  
堂陰。二三月。愛隨飄絮。伴落花。來拂衣襟。更  
剪輕羅片。傳黃金。

柳含煙



隋堤柳。汴河春。夾岸綠陰千里。龍舟鳳舸木蘭香。錦帆張。因夢江南春景好。一路流蘇羽葆。笙歌未盡起橫流。鎖春愁。

其二

河橋柳。占芳春。映水含煙拂路。幾迴攀折贈行人。暗傷神。樂府吹爲橫笛曲。能使離腸斷續。不如移植在金門。近天恩。

其三

章臺柳。近垂旒。低拂往來冠蓋。朧朧春色滿皇州。瑞煙浮。直與路邊江畔別。免被離人攀折。

最憐京兆畫蛾眉。葉纖時。

其四

御溝柳。占春多半出宮墻。婀娜。有時倒影蘸輕  
羅。麴塵波。昨日金鑾巡上苑。風亞舞腰纖軟。  
栽培得地近。皇宮。瑞煙濃。

醉花間

休相問。怕相問。相問還添恨。春水滿塘生。鷓鴣  
還相趁。昨夜雨霏霏。臨明寒一陣。偏憶戍樓  
人。久絕邊庭信。

其二

深相憶。莫相憶。相憶情難極。銀漢是紅墻。一帶  
遙相隔。金盤珠露滴。兩岸榆花白。風搖玉珮  
清。今夕爲何夕。

浣沙溪

春水輕波浸綠苔。枇杷洲上紫檀開。晴日眠沙  
鷓鴣穩。暖相隈。羅襪生塵游女過。有人逢着  
弄珠迴。蘭麝飄香初解珮。忘歸來。

浣沙溪

七夕年年信不違。銀河清淺白雲微。蟾光鵲影  
伯勞飛。每恨蟪蛄憐婺女。幾迴嬌妬下鴛機。

今宵嘉會兩依依。

月宮春

水精宮裏桂花開。神仙探幾迴。紅芳金蕊繡重  
臺。低傾馬腦盃。玉兔銀蟾爭守護。姮娥姹女  
戲相隈。遙聽鈞天九奏。玉皇親看來。

戀情深

滴滴銅壺寒漏咽。醉紅樓月。宴餘香殿會鴛衾。  
蕩春心。真珠簾下曉光侵。鶯語隔瓊林。寶帳  
欲開慵起。戀情深。

其二

玉殿春濃花爛熳。簇神仙伴。羅裙翠地縷黃金。  
奏清音。酒闌歌罷兩沉沉。一笑動君心。永願  
作鴛鴦伴。戀情深。

訴衷情

桃花流水漾縱橫。春晝彩霞明。劉郎去。阮郎行。  
惆悵恨難平。愁坐對雲屏。筭歸程。何時攜手  
洞邊迎。訴衷情。

其二

鴛鴦交頸繡衣輕。碧沼藕花馨。隈藻荇。映蘭汀。  
和雨浴浮萍。思婦對心驚。想邊庭。何時解珮

掩雲屏。訴哀情。

應天長

平江波暖鴛鴦語。兩兩釣船歸極浦。蘆洲一夜  
風和雨。飛起淺沙翹雪鷺。漁燈明遠渚。蘭棹  
今宵何處。羅袂從風輕舉。愁殺採蓮女。

河滿子

紅粉樓前月照。碧紗窻外鶯啼。夢斷遼陽音信。  
那堪獨守空閨。恨對百花時節。王孫綠草萋萋。

巫山一段雲

雨霽巫山上。雲輕映碧天。遠風吹散又相連。十

二晚峯前。暗濕啼猿樹。高籠過客船。朝朝暮暮。楚江邊。幾度降神仙。

臨江仙

暮蟬聲盡落斜陽。銀蟾影挂瀟湘。黃陵廟側水茫茫。楚山紅樹。煙雨隔高唐。岸泊漁燈風颭碎。白蘋遠散濃香。靈娥鼓瑟韻清商。朱絃淒切。雲散碧天長。

牛希濟十一首

臨江仙

峭碧參差十二峯。冷煙寒樹重重。瑤姬宮殿是

仙蹤金鑪珠帳香靄晝偏濃。一自楚王驚夢  
斷人間無路相逢。至今雲雨帶愁容。月斜江上。  
征棹動晨鐘。

其二

謝家仙觀寄雲岑。巖蘿拂地成陰。洞房不閉白  
雲深。當時丹竈一粒化黃金。石壁霞衣猶半  
挂。松風長似鳴琴。時聞唳鶴起前林。十洲高會。  
何處許相尋。

其三

渭闕宮城秦樹凋。玉樓獨上無憀。含情不語自



吹簫調清和恨。天路逐風飄。何事乘龍人忽  
降。似知深意相招。三清攜手路非遙。世間屏障  
彩筆盡嬌饒。

其四

江繞黃陵春廟閑。嬌鶯獨語關關。滿庭重疊綠  
苔斑。陰雲無事四散自歸山。簫鼓聲稀香燼  
冷。月娥斂盡灣環。風流皆道勝人間。須知狂客  
判死爲紅顏。

其五

素洛春光潑灑平。千重媚臉初生。凌波羅襪勢

輕輕煙籠日照珠翠半分明。風引寶衣疑欲舞。鸞迴鳳翥堪驚也。知心許恐無成。陳王辭賦千載有聲名。

其六

柳帶搖風漢水濱。平蕪兩岸爭勻。鴛鴦對浴浪痕新。弄珠游女。微笑自含春。輕步暗移蟬鬢動。羅裙風惹輕塵。水精宮殿豈無因。空勞纖手。解珮贈情人。

其七

洞庭波浪颭晴天。君山一點凝煙。此中真境屬

神仙玉樓珠殿。相映月輪邊。萬里平湖秋色  
冷。星辰垂影參然。橘林霜重更紅鮮。羅浮山下  
有路暗相連。

酒泉子

枕轉簟涼。清曉遠鐘殘。夢月光斜。簾影動。舊鑪  
香。夢中說盡相思事。纖手勻雙淚。去年書。今  
日意。斷離腸。

生查子

春山煙欲收。天澹稀星小。殘月臉邊明。別淚臨  
清曉。語已多。情未了。迴首猶重道。記得綠羅

才月年三  
一  
裙處處憐芳草。一本無已字

中興樂

池塘暖碧浸晴暉。濛濛柳絮輕飛。紅蕊凋來。醉  
夢還稀。春雲空有鴈歸。珠簾垂。東風寂寞恨  
郎拋擲。淚濕羅衣。

謁金門

秋已暮。重疊關山歧路。嘶馬搖鞭何處去。曉禽  
霜滿樹。夢斷禁城鐘鼓。淚滴枕檀無數。一點  
凝紅和薄霧。翠蛾愁不語。

歐陽炯四首

浣溪沙

落絮殘鶯半日天。玉柔花醉只思眠。惹窓映竹  
滿爐煙。獨掩畫屏愁不語。斜歌瑤枕髻鬟偏。  
此時心在阿誰邊。

其二

天碧羅衣拂地垂。美人初著更相宜。宛風如舞  
透香肌。獨坐含嚙吹鳳竹。園中緩步折花枝。  
有情無力泥人時。

其三

相見休言有淚珠。酒闌重得敘歡娛。鳳屏鴛鴦枕

花月集卷五 二

宿金鋪。蘭麝細香聞。喘息綺羅纖縷見肌膚。  
此時還恨薄情無。

三字令

春欲盡。日遲遲。牡丹時。羅幌卷。翠簾垂。彩牋書。  
紅粉淚。兩心知。人不在。燕空歸。負佳期。香燼  
落枕函。歌月分明。花澹薄。惹相思。

花間集卷第五

花間集卷第六

歐陽炯十三首

南鄉子

嫩草如煙。石榴花發海南天。日暮江亭春影綠。  
鴛鴦浴。水遠山長看不足。

其二

畫舸停橈。槿花籬外竹橫橋。水上遊人沙上女。  
迴顧。笑指芭蕉林裏住。

其三

岸遠沙平。日斜歸路晚霞明。孔雀自憐金翠尾。

臨水認得行人驚不起。

其四

洞口誰家木蘭船。繫木蘭花。紅袖女郎相引去。  
遊南浦。笑倚春風相對語。

其五

二八花鈿。肯前如雪臉如蓮。耳墜金鑲穿瑟瑟。  
霞衣窄。笑倚江頭招遠客。

其六

路入南中。桄榔葉暗蓼花紅。兩岸人家微雨後。  
收紅豆。樹底纖纖擡素手。



其七

袖斂鮫綃。採香深洞。笑相邀。藤杖枝頭蘆酒滴。  
鋪葵蓆。豆蔻花間趁晚日。

其八

翡翠鳩鵲。白蘋香裏小沙汀。島上陰陰秋雨色。  
蘆花撲。數隻魚船何處宿。

獻衷心

見好花顏色。爭笑東風。雙臉上。晚粧同。閉小樓。  
深閣。春景重重。三五夜。偏有恨。月明中。情未  
已。信曾通。滿衣猶自染檀紅。恨不如雙燕。飛舞

本月集六  
二  
簾攏春欲暮。殘絮盡。柳條空。

賀明朝

憶昔花間初識面。紅袖半遮粧臉。輕轉石榴裙帶。故將纖纖玉指。偷撚雙鳳金線。碧梧桐瑣。深深院。誰料得。兩情何日教繾綣。羨春來雙燕。飛到玉樓。朝暮相見。

其二

憶昔花間相見後。只憑纖手暗拋紅豆。人前不解巧傳心事。別來依舊辜負春書。碧羅衣上。感金繡。覩對鴛鴦空裏淚。痕透。想韶顏非久。終

是爲伊只恁偷瘦。

江城子

晚日金陵岸草平。落霞明。水無情。六代繁華，暗  
逐逝波聲。空有姑蘇臺上月，如西子鏡，照江城。

鳳樓春

鳳髻綠雲叢。深掩房櫳。錦書通夢中。相見覺來  
慵。勻面淚。臉珠融。因想玉郎何處去。對淑景，誰  
同。小樓中。春思無窮。倚欄顚望。閨牽愁緒。柳  
花飛起。東風斜日照簾羅。幌香冷。粉屏空。海棠  
零落。鶯語殘紅。

和凝二十首

小重山

春入神京萬木芳。禁林鶯語滑。蝶飛狂。曉花擎  
露妬啼粧。紅日永。風和百花香。煙瑣柳絲長。  
御溝澄碧水。轉池塘。時時微雨洗風光。天衢遠。  
到處引笙篁。

其二

正是神京爛熳時。羣仙初折得。郟詵枝。烏犀白  
紵最相宜。精神出御陌。袖鞭垂。柳色展愁眉。  
管絃分響亮。探花期。光陰占斷曲江池。新榜上。

名姓徹丹墀。

臨江仙

海棠香老春江晚。小樓霧縠空濛。翠鬟初出繡  
簾中。麝煙鸞珮惹蘋風。碾玉釵搖鵝鵝戰雪  
肌。雲鬢將融。含情遙指碧波東。越王臺殿蓼花  
紅。

其二

披袍窄地紅宮錦。鶯語時轉輕音。碧羅冠子穩  
犀簪。鳳皇雙颭步搖金。肌骨細勻紅玉軟。臉  
波微送春心。嬌羞不肯入鴛衾。蘭膏光裏兩情

深。

菩薩蠻

越梅半拆輕寒裏。冰清澹薄籠藍水。暖覺杏梢紅。遊絲狂惹風。閑堦莎徑碧。遠夢猶堪惜。離恨又迎春。相思難重陳。

山花子

鶯錦蟬縠馥麝臍。輕裾花草曉煙迷。鷓鴣頭金紅掌隊。翠雲低。星靨笑隈霞臉畔。蹙金開襜。襯銀泥。春思半和芳草嫩。綠萋萋。

其二

銀字笙寒調正長。水紋簾冷畫屏涼。玉腕重金  
扼臂澹梳粧。幾度試香纖手暖。一迴嘗酒絳  
脣光。佯弄紅絲蠅拂子。打檀郎。

河滿子

正是破瓜年。幾含情。慣得人饒。桃李精神鸚鵡  
舌。可堪虛度良宵。却愛藍羅裙子。羨他長束纖  
腰。

其二

寫得魚牋無限。其如花鎖春輝。目斷巫山雲雨。  
空教殘夢依依。却愛薰香小鴨。羨他長在屏幃。

花月集

五

薄命女 一名長命女

天欲曉。宮漏穿花聲繚繞。牕裏星光少。冷霞寒  
侵帳額。殘月光沉樹杪。夢斷錦幃空悄悄。強起  
愁眉小。

望梅花

春草全無消息。臘雪猶餘蹤跡。越嶺寒枝香自  
拆。冷艷竒芳堪惜。何事壽陽無處覓。吹入誰家  
橫笛。

天仙子

柳色披衫金縷鳳。纖手輕拈紅豆弄。翠蛾雙臉





聲。春水無風無浪。春天半雨半晴。紅粉相隨  
南浦晚。幾含情。

採桑子

蠅蟻領上。訶梨子。繡帶雙垂。椒戶閑時。夢學樗  
蒲賭荔枝。叢頭鞋子紅編細。裙窄金絲。無事  
嚙眉。春思翻教阿母疑。

柳枝

軟碧搖煙似送人。映花時。把翠蛾嚙。青青自是  
風流主。慢飈金絲待洛神。

其二

瑟瑟羅裙金縷腰。黛眉隈破未重描。醉來咬損  
新花子。拽住仙郎盡放嬌。

其三

鵲橋初就咽銀河。今夜仙郎自姓和。不是昔年  
攀桂樹。豈能月裏索嫦娥。

漁父

白芷汀寒立鷺鷥。蘋風輕剪浪花時。煙幕幕。日  
遲遲。香引芙蓉惹釣絲。

顧夔十八首

虞美人

右 卷六  
七  
曉鶯啼破相思夢。簾卷金泥鳳。宿粧猶在酒初醒。翠翹慵整倚雲屏。轉娉婷。香檀細畫侵桃臉。羅袂輕輕斂。佳期堪恨再難尋。綠蕪滿院柳成陰。負春心。

其二

觸簾風送景陽鐘。鴛被繡花重。曉幃初卷冷煙濃。翠勻粉黛好儀容。思嬌慵。起來無語理朝粧。寶匣鏡凝光。綠荷相倚滿池塘。露清枕簟藕花香。恨悠揚。

其三

翠屏閑掩垂珠箔。絲雨籠池閣。露粘紅藕咽清  
香。謝娘嬌極不成狂。罷朝粧。小金鷓鴣沉煙  
細。膩枕堆雲髻。淺眉微斂。注檀輕。舊懽時有夢  
魂驚。悔多情。

其四

碧梧桐映紗窻晚。花謝鶯聲懶。小屏屈曲掩青  
山。翠幃香粉玉爐寒。兩蛾攢。顛狂年少輕離  
別。辜負春時節。畫羅紅袂有啼痕。魂銷無語倚  
闌門。欲黃昏。

其五

深閨春色勞思想。恨共春蕪長。黃鸝嬌轉。泥芳  
妍。杏枝如畫。倚輕煙。瑣窗前。凭欄愁立。雙蛾  
細。柳影斜。搖砌。玉郎還是不還家。教人魂夢逐  
楊花。繞天涯。

其六

少年艷質勝瓊英。早晚別三清。蓮冠穩篸。鈿篋  
橫。飄飄羅袖碧雲輕。畫難成。遲遲少轉腰身  
裏。翠靨眉心小。醮壇風急。杏枝香。此時恨不駕  
鸞凰。訪劉郎。

河傳

燕颺晴景。小窗屏暖。鴛鴦交頸。菱花掩却翠鬟  
歌。慵整海棠簾外影。繡幃香斷。金鷄鶩。無消  
息。心事空相憶。倚東風。春正濃。愁紅淚痕衣上  
重。

其二

曲檻春晚。碧流紋細。綠楊絲軟。露花鮮。杏枝繁。  
鶯轉。野蕪平似剪。直是人間到天上。堪遊賞。  
醉眼疑屏障。對池塘。惜韶光。斷腸。爲花須盡狂。

其三

棹舉舟去。波光渺渺。不知何處。岸花汀草共依

依。雨微鷓鴣相逐飛。天涯離恨江聲咽。啼猿  
切。此意向誰說。艤欄橈。獨無憀。魂銷小鑪香欲  
焦。

甘州子

一爐龍麝錦帷傍。屏掩映。燭熒煌。禁樓刁斗喜  
初長。羅薦繡鴛鴦。山枕上。私語口脂香。

其二

每逢清夜與良晨。多悵望。足傷神。雲迷水隔意  
中人。寂寞繡羅茵。山枕上。幾點淚痕新。

其三



曾如劉阮訪仙蹤。深洞客。此時逢。綺筵散後繡  
衾同。款曲見韶容。山枕上。長是怯晨鐘。

其四

露桃花裏小樓深。持玉盞。聽瑤琴。醉歸青瑣入  
鴛衾。月色照衣襟。山枕上。翠鈿鎮眉心。

其五

紅鑪深夜醉調笙。敲拍處。玉纖輕。小屏古畫岸  
低平。煙月滿閑庭。山枕上。燈背臉波橫。

玉樓春

月照玉樓春漏促。颯颯風搖庭砌竹。夢驚鴛鴦被

覺來時。何處管絃聲斷續。惆悵少年遊冶去。  
枕上兩蛾攢細綠。曉鶯簾外語。花枝背帳猶殘。  
紅蠟燭。

其二

柳映玉樓春日晚。雨細風輕。煙草軟。畫堂鸚鵡  
語雕籠。金粉小屏猶半掩。香滅繡幃人寂寂。  
倚檻無言。愁思遠。恨郎何處縱踈狂。長使含啼  
眉不展。

其三

月皎露華窻影細。風送菊香。粘繡袂。博山爐冷

水沉微。惆悵金閨終日閉。懶展羅衾垂玉筍。  
羞對菱花篸寶髻。良宵好事枉教休。無計那他  
狂耍婿。

其四

拂水雙飛來去燕。曲檻小屏山六扇。春愁凝思  
結眉心。綠綺懶調紅錦薦。話別情多聲欲顫。  
玉筍痕留紅粉面。鎮長獨立到黃昏。却怕良宵  
頻夢見。

花間集卷第六

花間集卷第七

顧夔三十七首

浣溪沙

春色迷人恨正賒。可堪蕩子不還家。細風輕露  
著梨花。簾外有情雙燕颺。檻前無力綠楊斜。  
小屏狂夢極天涯。

其二

紅藕香寒翠渚平。月籠虛閣夜蛩清。塞鴻驚夢  
兩牽情。寶帳玉爐殘麝冷。羅衣金縷暗塵生。  
小窗孤燭淚縱橫。  
舊前作天際鴻枕上夢兩牽  
情後作小窗深孤燭背淚縱

橫

花月集

其三

荷芰風輕簾幕香。繡衣鷓鴣泳迴塘。小屏閑掩  
舊瀟湘。恨入空幃鸞影獨。淚凝雙臉渚蓮光。  
薄情年少悔思量。

其四

惆悵經年別謝娘。月窻花院好風光。此時相望  
最情傷。青鳥不來傳錦字。瑤姬何處瑣蘭房。  
忍教魂夢兩茫茫。

其五

庭菊飄黃玉露濃。冷莎隈砌隱鳴蛩。何期良夜  
得相逢。背帳風搖紅蠟滴。惹香暖夢繡衾重。  
覺來枕上怯晨鐘。

其六

雲澹風高葉亂飛。小庭寒雨綠苔微。深閨人靜  
掩屏幃。粉黛暗愁金帶枕。鴛鴦空繞畫羅衣。  
那堪辜負不思歸。

其七

鴈響遙天玉漏清。小紗窻外月朧明。翠幃金鴨  
炷香平。何處不歸音信斷。良宵空使夢魂驚。

簟涼枕冷不勝情。

其八

露白蟾明又到秋。佳期幽會兩悠悠。夢牽情役  
幾時休。記得詭人微斂黛。無言斜倚小書樓。  
暗思前事不勝愁。

酒泉子

楊柳舞風輕。惹春煙。殘雨杏花愁。鶯正語。盡樓  
東。錦屏寂寞思無窮。還是不知消息。鏡塵生。  
珠淚滴。損儀容。

其二



羅帶縷金。蘭麝煙凝。魂斷畫屏。歎雲鬢亂。恨難  
任。幾迴垂淚。滴鴛衾。薄情何處去。月臨窻花  
滿樹。信沉沉。

其三

小檻日斜。風度綠窻。人悄悄。翠幃閑掩。舞雙鸞。  
舊香寒。別來情緒。轉難判。韶顏看却老。依稀  
粉上有啼痕。暗銷魂。

其四

黛薄紅深。約掠綠鬟。雲膩小。鴛鴦金翡翠。稱人  
心。錦鱗無處傳幽意。海燕蘭堂春又去。隔年

書千點淚。恨難任。

其五

掩却菱花收拾翠鈿休上面。金蟲玉燕。瑣香奩。  
恨耿耿。雲鬢半墜。懶重簪。淚侵山枕濕銀燈。  
背帳夢方酣。鴈飛南。

其六

水碧風清入檻細。香紅藕膩。謝娘斂翠。恨無涯。  
小屏斜。堪憎蕩子不還家。謾留羅帶結。帳深  
枕膩。炷沉煙。負當年。

其七

黛怨紅羞。掩映畫堂春欲暮。殘花微雨。隔青樓。  
思悠悠。芳菲時節看將度。寂寞無人還獨語。  
畫羅濡香粉污。不勝愁。

楊柳枝

秋夜香閨思寂寥。漏迢迢。鴛幃羅幌麝煙銷。燭  
光搖。正憶玉郎遊蕩去。無尋處。更聞簾外雨  
蕭蕭。滴芭蕉。

遐方怨

簾影細。篔紋平。象紗籠玉指。縷金羅扇輕。嫩紅  
雙臉似花明。兩條眉黛遠山橫。鳳簫歇。鏡塵

生。遼塞音書絕。夢魂長暗驚。玉郎經歲負娉婷。  
教人爭不恨無情。

獻衷心

繡鴛鴦帳暖。盡孔雀屏欹。人悄悄。月明時。想昔  
年。懽笑。恨今日。分離。銀釭背。銅漏永。阻佳期。  
小爐煙細。虛閣簾垂。幾多心事。暗地思惟。被嬌  
娥牽役。魂夢如癡。金閨裏。山枕上。始應知。

應天長

瑟瑟羅裙金線縷。輕透鵝黃香畫袴。垂交帶。盤  
鸚鵡。裏裏翠翹移玉步。背人勻檀注。慢轉橫

波偷覷。斂黛春情暗許。倚屏慵不語。

訴衷情

香滅簾垂春漏永。整鴛衾。羅帶重。雙鳳縷黃金。  
窻外月光臨。沉沉。斷腸無處尋。負春心。

其二

永夜拋人何處去。絕來音。香閣掩。眉斂月將沉。  
爭忍不相尋。怨孤衾。換我心。爲你心。始知相憶  
深。

荷葉盃

春盡小庭花落。寂寞。凭檻斂雙眉。忍教成病憶

佳期知摩知。知摩知。

其二

歌發誰家筵上。寥亮別恨正悠悠。蘭釭背帳月  
當樓。愁摩愁。愁摩愁。

其三

弱柳好花盡拆。晴陌陌上少年郎。滿身蘭麝撲  
人香。狂摩狂。狂摩狂。

其四

記得那時相見。膽顫鬢亂四肢柔。泥人無語不  
擡頭。羞摩羞。羞摩羞。

其五

夜久歌聲怨咽。殘月菊冷露微微。看看濕透縷金衣。歸摩歸。歸摩歸。

其六

我憶君詩最苦。知否。字字盡關心。紅牋爲寄表情深。吟摩吟。吟摩吟。

其七

金鴨香濃鴛鴦被。枕膩小髻簇花鈿。腰如細柳臉如蓮。憐摩憐。憐摩憐。

其八

曲砌蝶飛煙暖。春半。花發柳垂條。花如雙臉柳如腰。嬌摩嬌。嬌摩嬌。

其九

一去又乖期信。春盡。滿院長莓苔。手拈裙帶獨徘徊。來摩來。來摩來。

漁歌子

曉風清。幽沼綠。倚欄凝望珍禽浴。畫簾垂。翠屏曲。滿袖荷香馥郁。好攄懷。堪寓目。身閑心靜平生足。酒盃深。光影促。名利無心較逐。

臨江仙



碧染長空池似鏡。倚樓閑望凝情。滿衣紅藕細  
香清。象床珍簟。山障掩玉琴橫。暗想昔時歡  
笑事。如今贏得愁生。博山鑪暖澹煙輕。蟬吟人  
靜。殘日傍小窓明。

其二

幽閨小檻春光晚。柳濃花澹鶯稀。舊歡思想尚  
依依。翠嬾紅斂。終日損芳菲。何事狂夫音信  
斷。不如梁燕猶歸。畫堂深處麝煙微。屏虛枕冷。  
風細雨霏霏。

其三

月色穿簾風入竹。倚屏雙黛愁時。砌花含露兩  
三枝。如啼恨臉。魂斷損容儀。香燼暗銷金鴨  
冷。可堪辜負前期。繡襦不整鬢髮。幾多惆悵。  
情緒在天涯。

醉公子

漠漠秋雲澹。紅藕香侵檻。枕倚小山屏。金鋪向  
晚扃。睡起橫波慢。獨望情何限。衰柳數聲蟬。  
魂銷似去年。

其二

岸柳垂金線。雨晴鶯百轉。家住綠楊邊。往來多

少年。馬嘶芳草遠。高樓簾半捲。斂袖翠蛾攢。  
相逢爾許難。

更漏子

舊歡娛。新悵望。擁鼻含嚔樓上。濃柳翠。晚霞微。  
江鷗接翼飛。簾半捲。屏斜掩。遠岫參差迷眼。  
歌滿耳。酒盈罇。前非不要論。

孫光憲十三首

浣溪沙

蓼岸風多橘柚香。江邊一望楚天長。片帆煙際  
閃孤光。目送征鴻飛杳杳。思隨流水去茫茫。

蘭紅波碧憶瀟湘。

其二

桃杏風香簾幕閑。謝家門戶約花關。畫梁幽語  
燕初還。繡閣數行題了壁。曉屏一枕酒醒山。  
却疑身是夢魂間。幽語一本作雙語

其三

花漸凋疎不耐風。畫簾垂地晚堂空。墮堦縈蘚  
舞愁紅。膩粉半粘金靨子。殘香猶暖繡薰籠。  
蕙心無處與人同。

其四

攬鏡無言淚欲流。凝情半日懶梳頭。一庭疎雨濕春愁。楊柳祗知傷怨別，杏花應信損嬌羞。淚沾魂斷軫離憂。

其五

半踏長裾宛約行。晚簾疎處見分明。此時堪恨昧平生。早是銷魂殘燭影，更愁聞著品絃聲。杳無消息若爲情。

其六

蘭沐初休曲檻前。暖風遲日洗頭天。濕雲新斂未梳蟬。翠袂半將遮粉臆，寶釵長欲墜香肩。

此時模樣不禁憐。

其七

風遞殘香出繡簾。團窠金鳳舞檐檐。落花微雨恨相兼。何處去來狂太甚。空推宿酒睡無厭。爭教人不別猜嫌。

其八

輕打銀箏隊燕泥。斷絲高罨畫樓西。花冠閑上午墻啼。粉籜半開新竹迳。紅苞盡落舊桃蹊。不堪終日閉深閨。

其九

烏帽斜歌倒佩魚。靜街偷步訪仙居。隔牆應認  
打門初。將見客時微掩。斂得人憐。處且生疎。  
低頭羞問壁邊書。

河傳

太平天子。等閑遊戲。疏河千里。柳如絲。隈倚淥  
波春水。長淮風不起。如花殿脚三千女。爭雲  
雨。何處留人住。錦帆風。煙際紅。燒空。魂迷大業  
中。

其二

柳拖金縷。著煙籠霧。濛濛落絮。鳳皇舟上楚女。

妙舞。雷喧波上鼓。龍爭虎戰分中土。人無主。  
桃葉江南渡。襞花牋。艷思牽成篇。宮娥相與傳。

其三

花落煙薄。謝家池閣。寂寞春深。翠娥輕斂。意沉  
吟。沾襟。無人知此心。玉鑪香斷。霜灰冷。簾鋪  
影。梁燕歸紅杏。晚來天。空悄然。孤眠。枕檀雲髻  
偏。

其四

風颭波斂。團荷閃閃。珠傾露點。木蘭舟上。何處  
吳娃越艷。藕花紅照臉。大堤狂殺。襄陽客。煙



波隔渺渺湖光白。身已歸。心不歸。斜暉遠汀鷓  
鴒飛。

花間集卷第七



花間集卷第八

孫光憲四十七首

菩薩蠻

月華如水籠香砌。金釵碎撼門初閉。寒影墮高  
簷。鈎垂一面簾。碧煙輕裏裏。紅顫燈花笑。即  
此是高唐。掩屏秋夢長。

其二

花冠頻鼓墻頭翼。東方澹白連窓色。門外早鶯  
聲。背樓殘月明。薄寒籠醉態。依舊鉛華在。握  
手送人歸。半拖金縷衣。

其三

小庭花落無人掃。疎香滿地東風老。春晚信沉  
沉。天涯何處尋。曉堂屏六扇。眉共湘山遠。爭  
柰別離心。近來尤不禁。

其四

青巖碧洞經朝雨。隔花相喚南溪去。一隻木蘭  
船。波平遠浸天。扣舷驚翡翠。嫩玉擡香臂。紅  
日欲沉西。煙中遙解攜。

其五

木綿花映叢祠小。越禽聲裏春光曉。銅鼓與蠻

歌。南人祈賽多。客帆風正急。茜袖偎檣立。極浦幾回頭。煙波無限愁。

河瀆神

汾水碧依依。黃雲落葉初飛。翠華一去不言歸。廟門空掩斜暉。四壁陰森排古畫。依舊瓊輪羽駕。小殿沉沉清夜。銀燈飄落香爍。

其二

江上草芊芊。春晚湘妃廟前。一方外作外古柳字作外古色楚南天。數行征鴈聯翩。獨倚朱欄情不極。魂斷終朝相憶。兩槳不知消息。遠汀時起

鷓鴣。

虞美人

紅窓寂寂無人語。暗澹梨花雨。繡羅紋地粉新  
描。博山香炷旋抽條。暗魂銷。天涯一去無消  
息。終日長相憶。教人相憶幾時休。不堪長觸別  
離愁。淚還流。

其二

好風微揭簾旌起。金翼鸞相倚。翠簷愁聽乳禽  
聲。此時春態暗關情。獨難平。畫堂流水空相  
翳。一穗香遙曳。教人無處寄相思。落花芳草過

前期没人知。

後庭花

景陽鍾動宮鶯轉。露涼金殿。輕飈吹起瓊花旋。  
玉葉如剪。晚來高閣上。珠簾卷。見墜香千片。  
脩蛾慢臉陪雕輦。後庭新宴。輕飈一作鮮飈

其二

石城依舊空江國。故宮春色。七尺青絲芳草綠。  
絕世難得。玉英凋落盡。更何人識。野棠如織。  
只是教人添怨憶。悵望無極。

生查子

寂寞掩朱門。正是天將暮。暗澹小庭中。滴滴梧  
桐雨。繡工夫。牽心緒。配盡鴛鴦縷。待得没人  
時。偎倚論私語。

其二

暖日策花驄。鞦韆垂楊陌。芳草惹煙青。落絮隨  
風白。誰家繡轂動香塵。隱映神仙客。狂殺玉  
鞭郎。咫尺音容隔。

其三

金井墮高梧。玉殿籠斜月。永巷寂無人。斂態愁  
堪絕。玉爐寒香燼滅。還似君恩歇。翠輦不歸



來幽恨將誰說。

臨江仙

霜拍井梧乾葉墮。翠幃雕檻初寒。薄鉛殘黛稱  
花冠。含情無語。延佇倚欄干。杳杳征輪何處  
去。離愁別恨千般。不堪心緒正多端。鏡奩長掩。  
無意對孤鸞。

其二

暮雨淒淒深院閉。燈前凝坐初更。玉釵低壓鬢  
雲橫。半垂羅幕。相映燭光明。終是有心授漢  
珮。低頭但理秦箏。燕雙鸞偶不勝情。只愁明發

將逐楚雲行。

酒泉子

空積無邊。萬里陽關道路。馬蕭蕭。人去去。隴雲  
愁。香貂舊製戎衣窄。胡霜千里白。綺羅心魂  
夢隔。上高樓。

其二

曲檻小樓。正是鶯花二月。思無慘。愁欲絕。鬱離  
襟。展屏空對蕭相水。眼前千萬里。淚淹紅眉  
斂。翠恨沉沉。

其三

斂態窻前。鳶鷺雀釵拋頸。燕成雙。鸞對影。藕新  
知。玉纖澹拂眉山小。鏡中嗔共照。翠連娟。紅  
縹緲。早粧時。

清平樂

愁腸欲斷。正是青春半。連理分枝鸞失伴。又是  
一場離散。掩鏡無語眉低。思隨芳草萋萋。憑  
仗東風吹夢。與郎終日東西。

其二

等閑無語。春恨如何去。終是踈狂留不住。花暗  
柳濃何處。盡日日斷魂飛。晚窻斜界殘暉。長

恨朱門薄暮。繡鞍認馬空歸。

更漏子

聽寒更。聞遠鴈。半夜蕭娘深院。宿繡戶。下珠簾。  
滿庭噴玉蟾。人語靜。香閨冷。紅幕半垂清影。  
雲雨態。蕙蘭心。此情江海深。

其二

今夜期來日別。相對祇堪愁絕。偎粉面。撚搖箏。  
無言淚滿襟。銀箭落。霜華薄。牆外曉雞啣喙。  
聽付囑。惡情悰。斷腸西復東。

女冠子

蕙風芝露。壇際殘香輕度。藥珠宮。苔點分圓碧。  
桃花踐破紅。品流巫峽外。名籍紫微中。真侶  
墉城會。夢魂通。

其二

澹花瘦玉。依約神仙粧束。佩瓊文。瑞露通宵貯。  
幽香盡日焚。碧煙籠絳節。黃藕冠濃雲。勿以  
吹簫伴。不同羣。

風流子

茅舍槿籬溪曲。雞犬自南自北。菰葉長。水荇開。  
門外春波漲綠。聽織聲促。軋軋鳴梭穿屋。

樓倚長衢欲暮。瞥見神仙伴侶。微傅粉。攏梳頭。  
隱映畫簾開處。無語無緒。慢曳羅裙歸去。

其三

金絡玉銜嘶馬。繫向綠楊陰下。朱戶掩。繡簾垂。  
曲院水流花榭。歡罷歸也。猶在九衢深夜。

定西番

雞祿山前遊騎。邊草白。朔天明。馬蹄輕。鵲面  
弓離短鞞。彎來月欲成。一隻鳴髀雲外。曉鴻驚。

其二

帝子枕前秋夜。霜幄冷。月華明。正三更。何處  
戍樓寒笛。夢殘聞一聲。遙想漢關萬里。淚縱橫。

河滿子

冠劍不隨君去。江河還共恩深。歌袖半遮眉黛  
慘。淚珠旋滴衣襟。惆悵雲愁雨怨。斷魂何處相  
尋。

玉胡蝶

春欲盡。景仍長。滿園花正黃。粉翅兩悠颺。翩翩  
過短墻。鮮飈暖牽遊伴。飛去立殘芳。無語對  
蕭娘。舞衫沉麝香。

八拍蠻

孔雀尾拖金線長。怕人飛起入丁香。越女沙頭爭拾翠。相呼歸去背斜陽。

竹枝

門前春水。竹枝白蘋花。女兒岸上無人。竹枝小

艇斜。女兒商女經過。竹枝江欲暮。女兒散拋殘

食。竹枝飼神鷗。女兒亂繩千結。竹枝絆人深。女

兒越羅萬丈。竹枝表長尋。女兒楊柳在身。竹枝

垂意緒。女兒藕花落盡。竹枝見蓮心。女兒

思帝鄉



如何。遣情情更多。永日水尚簾下。斂羞蛾。六幅羅裙窄地。微行曳碧波。看盡滿池踈雨。打團荷。

上行盃

草草離亭鞍馬。從遠道。此地分襟。燕宋秦吳千萬里。無辭一醉。野棠開。江草濕。佇立沾泣。征騎駸駸。

其二

離棹逡巡欲動。臨極浦。故人相送。去住心情知不共。金船滿捧。綺羅愁。絲管咽。迴別帆影滅。江浪如雪。

謁金門

留不得。留得也應無益。白紵春衫如雪色。揚州  
初去日。輕別離。甘拋擲。江上滿帆風疾。却羨  
彩鴛三十六。孤鸞還一隻。

思越人

古臺平。芳草遠。館娃宫外春深。翠黛空留千載  
恨。教人何處相尋。綺羅無復當時事。露花點  
滴香淚。惆悵遙天橫淥水。鴛鴦對對飛起。

其二

渚蓮枯。宮樹老。長洲廢苑蕭條。想像玉人空處

所月明獨上溪橋。經春初敗秋風起。紅蘭綠蕙愁死。一片風流傷心地。魂銷目斷西子。

楊柳枝

閨門風暖落花乾。飛遍江城雪不寒。獨有晚來臨水驛。閑人多凭赤欄干。

其二

有池有榭即濛濛。浸潤翻成長養功。恰似有人長點檢。着行排立向春風。

其三

根柢雖然傍濁河。無妨終日近笙歌。駢駢金帶

誰堪比。還共黃鶯不校多。

其四

萬株枯槁怨亡隋。似弔吳臺各自垂。好是淮陰  
明月裏。酒樓橫笛不勝吹。

望梅花

數枝開與短墻平。見雪萼紅跗相映。引起誰人  
邊塞情。簾外欲三更。吹斷離愁月正明。空聽  
隔江聲。

漁歌子

草芊芊。波漾漾。湖邊草色連波漲。沿蓼岸。泊楓

汀天際玉輪初上。扣舷歌。照極望。槳聲伊軋。  
知何向。黃鵠叫白鷗。眠誰似儂家。踈曠。

其二

泛流螢。明又滅。夜涼水冷。東灣闊。風浩浩。笛寥  
寥。萬頃金波澄澈。杜若洲。香郁烈。一聲宿鴈  
霜時節。經雪水。過松江。盡屬儂家日月。

魏承斑二首

菩薩蠻

羅裾薄薄秋波染。眉間畫時山。兩點相見綺筵  
時。深情暗共知。翠翹雲鬢動。斂態彈金鳳。宴

罷入蘭房。邀人解珮璫。

其二

羅衣穩約金泥畫。玳筵一曲當秋夜。聲顫覩人  
嬌。雲髮裏翠翹。酒醺紅玉軟。眉翠秋山遠。繡  
幌麝煙沉。誰人知兩心。顛一作泛

花間集卷第八

花間集卷第九

魏承斑十三首

滿宮花

雪霏霏。風凜凜。玉郎何處狂飲醉。時想得縱風  
流羅帳香幃。鴛鴦寢。春朝秋夜思君甚。愁見繡  
屏孤枕。少年何事負初心。淚滴縷金雙袷。

木蘭花

小芙蓉。香旖旎。碧玉堂深清似水。閉寶匣。掩金  
鋪。倚屏拖袖愁如醉。遲遲好景煙花媚。曲渚  
鴛鴦眠錦翅。凝然愁望靜相思。一雙笑靨嚙香

藥。

玉樓春

寂寂畫堂梁上燕。高卷翠簾橫數扇。一庭春色惱人來。滿地落花紅幾片。愁倚錦屏低雪面。淚滴繡羅金縷線。好天涼月盡傷心。爲是玉郎長不見。

其二

輕斂翠蛾呈皓齒。鶯囀一枝花影裏。聲聲清迥過行雲。寂寂畫堂塵暗起。玉笋滿斟情未已。促坐王孫公子醉。春風筵上貫珠勻。艷色韶顏



嬌旒旖。

訴衷情

高歌宴罷月初盈。詩情引恨情。煙露冷。水流輕。  
思想夢難成。羅帳裏香平。恨頻生。思君無計  
睡還醒。隔層城。

其二

春深花簇小樓臺。風飄錦繡開。新睡覺步香階。  
山枕印紅腮。鬢亂墜金釵。語檀偎。臨行執手  
重重囑幾千迴。

其三

銀漢雲晴玉漏長。蛩聲悄盡堂筠簟冷。碧窓涼。  
紅蠟淚飄香。皓月瀉寒光。割人腸。那堪獨自  
步池塘。對鴛鴦。

其四

金風輕透碧窓紗。銀釭焰影斜。欹枕卧。恨何賒。  
山掩小屏霞。雲雨別吳娃。想容華。夢成幾度  
遶天涯。到君家。

其五

春情滿眼臉紅銷。嬌妬索人饒。星靨小。玉璫搖。  
幾共醉春朝。別後憶纖腰。夢魂勞。如今風葉

又蕭蕭恨迢迢。

生查子

煙雨晚晴天。零落花無語。難話此時心。梁燕雙  
來去。琴韻對薰風。有恨和情撫。腸斷斷絃頻。  
淚滴黃金縷。

其二

寂寞畫堂空。深夜垂羅幕。燈暗錦屏欹。月冷珠  
簾薄。愁恨夢難成。何處貪歡樂。看看又春來。  
還是長蕭索。

黃鍾樂

池塘煙暖草萋萋。惆悵閑霄含恨愁。坐思堪迷。  
遙想玉人情事遠。音容渾似隔桃溪。偏記同  
歡秋月低。簾外論心花畔和醉。暗相攜。何事春  
來君不見。夢魂長在錦江西。

漁歌子

柳如眉。雲似髮。蛟綃霧縠籠香雪。夢魂驚。鍾漏  
歇。窻外曉鶯殘月。幾多情。無處說。落花飛絮  
清明節。少年郎。容易別。一去音書斷絕。

鹿虔扈六首

臨江仙

金鎖重門荒苑靜。綺窗愁對秋空。翠華一去寂  
無蹤。玉樓歌吹聲斷已隨風。煙月不知人事  
改。夜闌還照深宮。藕花相向野塘中。暗傷亡國。  
清露泣香紅。

其二

無賴曉鶯驚夢斷。起來殘酒初醒。映窗絲柳裊  
煙青。翠簾慵卷約砌杏花零。一自玉郎遊冶  
去。蓮凋月慘儀形。暮天微雨灑閑庭。手按裙帶。  
無語倚雲屏。

女冠子

鳳樓琪樹。惆悵劉郎一去。正春深。洞裏愁空結。  
人間信莫尋。竹疎齋殿迥。松密醮壇陰。倚雲  
低首望。可知心。

其二

步虛壇上。絳節霓旌相向。引真仙。玉珮搖蟾影。  
金爐裏麝煙。露濃霜簡濕。風緊羽衣偏。欲留  
難得住。却歸天。

思越人

翠屏欹銀燭。背漏殘清夜。迢迢雙帶繡。窠盤錦  
薦。淚侵花暗香銷。珊瑚枕膩鴉鬟亂。玉纖慵

整雲散。苦是適來新夢見。離腸爭不千斷。

虞美人

卷荷香澹。浮煙渚。綠嫩擎新雨。鎖窓踈透曉風清。象床珍簟。冷光輕。水紋平。九疑黛色屏斜掩。枕上眉心斂。不堪相望病將成。鈿昏檀粉。淚縱橫。不勝情。

閩選八首

虞美人

粉融紅膩。蓮房綻。臉動雙波慢。小魚銜玉鬢。釵橫石榴裙。染象紗。輕輕轉娉婷。偷期錦浪荷深。

處。一夢雲兼雨。臂留檀印齒痕香。深秋不寐漏  
初長。盡思量。盡一作儘

其二

楚腰蟻領團香玉。鬢疊深深綠。月娥星眼笑微  
頻。柳天桃艷不勝春。晚粧勻。水紋簾映青紗  
帳。霧罩秋波上。一枝嬌卧醉芙蓉。良宵不得與  
君同。恨忡忡。笑微頻一作笑和頻

臨江仙

雨停荷芰逗濃香。岸邊蟬噪垂楊。物華空有舊  
池塘。不逢仙子。何處夢襄王。珍簾對啟鴛鴦枕



冷。此來塵暗淒涼。欲憑危檻，恨偏長。藕花珠綴，猶似汗凝粧。

其二

十二高峯天外寒。竹梢輕拂仙壇。寶衣行雨在雲端。畫簾深殿，香霧冷，風殘。欲問楚王何處去。翠屏猶掩金鸞。猿啼明月照空灘。孤舟行客，驚夢亦艱難。

浣沙溪

寂寞流蘇冷繡茵。倚屏山枕惹香塵。小庭花露泣濃春。劉阮信非仙，洞客常娥終是月中人。

此生無路訪東鄰。

八拍蠻

雲鎖嫩黃煙柳細。風吹紅蒂雪梅殘。光影不勝  
閨閣恨。行行坐坐黛眉攢。

其二

愁鎖黛眉煙易慘。淚飄紅臉粉難勻。憔悴不知  
緣底事。遇人推道不宜春。

河傳

秋雨秋雨無晝無夜。滴滴霏霏。暗燈涼簟。怨分  
離。妖姬不勝悲。西風稍急。喧窻竹。停又續。膩

臉懸雙玉。幾迴邀約。鴈來時。違期。鴈歸人不歸。

尹鷲六首

臨江仙

一番荷芰生池沼。檻前風送馨香。昔年於此伴  
蕭娘。相偎佇立。牽惹叙衷腸。時逞笑容無限  
態。還如菡萏爭芳。別來虛遣思。悠颺慵窺往事。  
金鎖小蘭房。

其二

深秋寒夜銀河靜。月明深院中庭。西窗鄉夢等  
閑成。逡巡覺後。特地恨難平。紅燭半消殘焰

短依倚暗背銀屏。枕前何事最傷情。梧桐葉上，  
點點露珠零。

滿宮花

月沉沉。人悄悄。一炷後庭香。風流帝子不歸  
來。滿地禁花慵掃。離恨多。相見少。何處醉迷  
三島。漏清宮樹子規啼。愁鎖碧窓春曉。

杏園芳

嚴粧嫩臉花明。教人見了關情。含羞舉步越羅  
輕。稱娉婷。終朝咫尺窺香閣。迢迢似隔層城。  
何時休遣夢相縈。入雲屏。

醉公子

暮煙籠蘚砌。戟門猶未閉。盡日醉尋春。歸來月  
滿身。離鞍偎繡袂。墜巾花亂綴。何處惱佳人。  
檀痕衣上新。

菩薩蠻

隴雲暗合秋天白。俯窻獨坐窺煙陌。樓際角重  
吹。黃昏方醉歸。荒唐難共語。明日還應去。上  
馬出門時。金鞭莫與伊。

毛熙震十六首

浣沙溪

春暮黃鶯下砌前。水精簾影露珠懸。綺霞低映  
晚晴天。弱柳萬條垂翠帶。殘紅滿地碎香鈿。  
蕙風飄蕩散輕煙。

其二

花榭香紅煙景迷。滿庭芳草綠萋萋。金鋪閑掩  
繡簾低。紫燕一雙嬌語碎。翠屏十二晚峯齊。  
夢魂銷散醉空闈。

其三

晚起紅房醉欲銷。綠鬟雲散蕙金翹。雪香花語  
不勝嬌。好是向人柔弱處。玉纖時急繡裙腰。

春心牽惹轉無憀。

其四

一隻橫釵墜髻叢。靜眠珍簟起來慵。繡羅紅嫩  
抹蘇肖。羞斂細蛾魂暗斷。困迷無語思猶濃。  
小屏香靄碧山重。

其五

雲薄羅裙綬帶長。滿身新裊瑞龍香。翠鈿斜映  
艷梅粧。佯不覷人空婉約。笑和嬌語太猖狂。  
忍教牽恨暗形相。裙一作裙

其六

在門身九  
九  
碧玉冠輕裏燕釵。捧心無語步香堦。緩移弓底  
繡羅鞋。暗想歡娛何計好。豈堪期約有時乖。  
日高深院正忘懷。

其七

半醉凝情卧繡茵。睡容無力卸羅裙。玉籠鸚鵡  
獸聽聞。慵整落釵金。翡翠象梳欹鬢月生雲。  
錦屏綃幌麝煙薰。

臨江仙

南齊天子寵嬋娟。六宮羅綺三千。潘妃嬌艷獨  
芳妍。椒房蘭洞雲雨降神仙。縱態迷歡心不



足風流可惜當年。纖腰婉約步金蓮。妖君傾國。  
猶自至今傳。

其二

幽閨欲曙聞鶯轉。紅窗月影微明。好風頻謝落  
花聲。隔幃殘燭。猶照綺屏。繡被錦茵。眠玉  
暖。炷香斜裏。煙輕澹。蛾羞斂。不勝情。暗思閑夢。  
何處逐雲行。

更漏子

秋色清。河影澹。深戶燭寒光暗。綃幌碧。錦衾紅。  
博山香炷融。更漏咽。蛩鳴切。滿院霜華如雪。

新月上薄雲收。映簾懸玉鉤。

其二

煙月寒秋夜靜。漏轉金壺初永。羅幕下。繡屏空。  
燈花結碎紅。人悄悄。愁無了。思夢不成難曉。  
長憶得與郎期。竊香私語時。

女冠子

碧桃紅杏。遲日媚籠光影。綵霞深。香暖薰鶯語。  
風清引鶴音。翠鬢冠玉葉。霓袖捧瑤琴。應共  
吹簫侶。暗相尋。

其二

脩蛾慢臉不語檀心一點。小山粧。蟬鬢低含綠。  
羅衣澹拂黃。悶來深院裏。閑步落花傍。纖手  
輕輕整玉鑪香。

清平樂

春光欲暮。寂寞閑庭戶。粉蝶雙雙穿檻舞。簾卷  
晚天疎雨。含愁獨倚閨幃。玉鑪煙斷香微。正  
是銷魂時節。東風滿樹花飛。

南歌子

遠山愁黛碧。橫波慢臉明。膩香紅玉茜羅輕。深  
院晚堂人靜。理銀箏。鬢動行雲影。裙遮點屐

聲。嬌羞愛問曲中名。楊柳杏花時節。幾多情。

其二

惹恨還添恨。牽腸即斷腸。凝情不語一枝芳。獨  
映畫簾閑立。繡衣香。暗想爲雲女。應憐傅粉  
郎。晚來輕步出閨房。髻慢釵橫無力。縱猖狂。

花間集卷第九

花間集卷第十

毛熙震十三首

河滿子

寂寞芳菲暗度。歲華如箭堪驚。緬想舊歡多少。  
事轉添春思難平。曲檻絲垂金柳。小窗絃斷銀  
箏。深院空聞燕語。滿園閑落。落花輕。一片相思  
休不得。忍教長日愁生。誰見夕陽孤夢。覺來無  
限傷情。

其二

無語殘粧澹薄。含羞鞦韆輕盈。幾度香閨眠過。

在尾集十  
一  
曉綺窓踈日微明。雲母帳中偷惜。水精枕上初驚。笑靨嫩疑花拆。愁眉翠斂山橫。相望只教添悵恨。整髮時見纖瓊。獨倚朱扉閑立。誰知別有深情。

### 小重山

梁燕雙飛盡閣前。寂寥多少恨。懶孤眠。曉來閑處想君憐。紅羅帳。金鴨冷。沉煙。誰信損嬋娟。倚屏啼玉筍。濕香鈿。四肢無力上鞦韆。羣花謝。愁對艷陽天。

### 定西番

蒼翠濃陰滿院。鶯對語。蝶交飛。戲著薔薇。斜日  
倚欄風好。餘香出繡衣。未得玉郎消息。幾時歸。

木蘭花

掩朱扉。鈎翠箔。滿院鶯聲春寂寞。勻粉淚。恨檀  
郎。一去不歸花又落。對斜暉。臨小閣。前事豈  
堪重想着。金帶冷。畫屏幽。寶帳慵薰。蘭麝薄。

後庭花

鶯啼燕語芳菲節。瑞庭花發。昔時懽宴。歌聲揭。  
管絃清越。自從陵谷。追遊歇。盡梁塵。駭。傷心  
一片如珪月。閑鎖宮闕。

其二

輕盈舞妓含芳艷。競粧新臉。步搖珠翠脩蛾斂。  
膩髮雲深。歌聲慢發。開檀點繡衫斜掩。時將  
纖手勻紅臉。笑拈金靨。

其三

越羅小袖新香葳。薄籠金釧。倚欄無語搖輕扇。  
半遮勻面。春殘日暖。鶯嬌懶滿庭花片。爭不  
教人長相見。盡堂深院。

酒泉子

閑臥繡幃。慵想萬般情寵。錦檀偏翹股重。翠雲



歌。暮天屏上春山碧。映香煙霧隔。蕙蘭心魂  
夢役。斂蛾眉。

其二

鈿匣舞鸞。隱映艷紅脩碧。月梳斜。雲鬢膩。粉香  
寒。曉花微斂。輕呵展。裏釵金燕軟。日初昇。簾  
半捲。對殘粧。

菩薩蠻

梨花滿院飄香雪。高樓夜靜風箏咽。斜月照簾  
帷。憶君和夢稀。小窻燈影背。燕語驚愁態。屏  
掩斷香飛。行雲山外歸。

其二

繡簾高軸臨塘看。雨翻荷葉真珠散。殘暑晚初涼。輕風渡水香。無慆悲往事。爭那牽情思。光影暗相催。等閑秋又來。

其三

天含殘碧融春色。五陵薄幸無消息。盡日掩朱門。離愁暗斷魂。鶯啼芳樹暖。燕拂迴塘滿。寂寞對屏山。相思醉夢間。

李珣三十七首

浣沙溪

入夏偏宜澹薄粧。越羅衣褪鬱金黃。翠鈿檀注  
助容光。相見無言還有恨。幾回拚却又思量。  
月窻香逕夢悠颺。

其二

晚出閑庭看海棠。風流學得內家粧。小釵橫戴  
一枝芳。鏤玉梳斜雲鬢膩。縷金衣透雪肌香。  
暗思何事立殘陽。

其三

訪舊傷離欲斷魂。無因重見玉樓人。六街微雨  
鏤香塵。早爲不逢巫峽夢。那堪虛度錦江春。

遇花傾酒莫辭頻。

其四

紅藕花香到檻頻。可堪閑憶似花人。舊歡如夢絕音塵。翠疊畫屏山隱隱。冷鋪紋簟水泚泚。斷魂何處一蟬新。

漁歌子

楚山青。湘水綠。春風澹蕩看不足。草芊芊。花簇簇。魚艇棹歌相續。信浮沉。無管束。釣迴乘月歸灣曲。酒盈樽。雲滿屋。不見人間榮辱。

其二

荻花秋瀟湘。夜橘洲佳景如屏畫。碧煙中明月  
下。小艇垂綸初罷。水爲鄉。蓬作舍。魚羹稻飯  
常食也。酒盈杯。書滿架。名利不將心挂。

其三

柳垂絲。花滿樹。鶯啼楚岸。春天暮。棹輕舟。出深  
浦。緩唱漁歌歸去。罷垂綸。還酌醕。孤村遙指  
雲遮處。下長汀。臨淺渡。鷺起一行沙鷺。

其四

九疑山。三湘水。蘆花時節。秋風起。水雲間。山月  
裏。棹月穿雲遊戲。鼓清琴。傾綠蟻。扁舟自得

道遙志任東西無定止。不議人間醒醉。

巫山一段雲

有客經巫峽。停橈向水湄。楚王曾此夢瑤姬。一  
夢杳無期。塵暗珠簾卷。香銷翠幄垂。西風迥  
首不勝悲。暮雨灑空祠。

其二

古廟依青嶂。行宮枕碧流。水聲山色鎖粧樓。往  
事思悠悠。雲雨朝還暮。煙花春復秋。啼猿何  
必近孤舟。行客自多愁。

臨江仙

簾捲池心小閣虛。暫涼閑步徐徐。芰荷經雨半凋疎。拂堤垂柳。蟬噪夕陽餘。不語低鬟幽思遠。玉釵斜墜。雙魚幾迴偷看。寄來書。離情別恨。相隔欲何如。

其二

鶯報簾前暖日紅。玉鑪殘麝猶濃。起來閨思尚踈慵。別愁春夢。誰解此情悰。強整嬌姿臨寶鏡。小池一朶芙蓉。舊歡無處再尋蹤。更堪迴顧。屏畫九疑峯。

南鄉子

煙漠漠。雨淒淒。岸花零落鷓鴣啼。遠客扁舟臨野渡。思鄉處。潮退水平春色暮。

其二

蘭棹舉。水紋開。競攜藤籠採蓮來。迴塘深處遙相見。邀同宴。綠酒一卮紅上面。

其三

歸路近。扣舷歌。採真珠處水風多。曲岸小橋山月過。煙深鎖。荳蔻花垂千萬朶。

其四

乘綵舫。過蓮塘。棹歌驚起睡鴛鴦。游女帶花偎



伴笑爭窈窕。競折團荷遮晚照。

其五

傾渌蟻泛紅螺。閑邀女伴簇笙歌。避暑信船輕  
浪裏。閑遊戲。夾岸荔枝紅蘸水。

其六

雲帶雨。浪迎風。釣翁迴棹碧灣中。春酒香熟鱸  
魚美。誰同醉。纜却扁舟蓬底睡。

其七

沙月靜。水煙輕。芰荷香裏夜船行。綠鬢紅臉誰  
家女。遙相顧。緩唱棹歌極浦去。

其八

漁市散。渡船稀。越南雲樹望中微。行客待潮天欲暮。送春浦。愁聽猩猩啼瘴雨。

其九

攏雲髻。背犀梳。焦紅衫映綠羅裾。越王臺下春風暖。花盈岸。遊賞每邀隣女伴。

其十

相見處。晚晴天。刺桐花下越臺前。暗裏迴眸深屬意。遺雙翠。騎象背人先過水。

女冠子

星高月午。丹桂青松深處。醮壇開。金磬敲清露。  
珠幢立翠苔。步虛聲縹緲。想像思徘徊。曉天  
歸去路。指蓬萊。

其二

春山夜靜。愁聞洞天疎磬。玉堂虛。細霧垂珠珮。  
輕煙曳翠裾。對花情脉脉。望月步徐徐。劉阮  
今何處。絕來書。

酒泉子

寂寞青樓。風觸繡簾珠碎。撼月朦朧。花暗澹。鎖  
春愁。尋思往事依稀夢。淚臉露桃紅色重。鬢

歌蟬。釵墜鳳。思悠悠。

其二

雨漬花零。紅散香凋。池兩岸。別情遙。春歌斷。掩  
銀屏。孤帆早晚離三楚。閑理鈿箏。愁幾許。曲  
中情。絃上語。不堪聽。

其三

秋雨聯綿。聲散敗荷叢裏。那堪深夜枕前聽。酒  
初醒。牽愁惹思更無停。燭暗香凝。天欲曉。細  
和煙。冷和雨。透簾中。

其四

秋月嬋娟皎潔碧紗窗外。照花穿竹冷沉沉。印  
池心。凝露滴砌蛩吟。驚覺謝娘殘夢。夜深斜  
傍枕前來。影徘徊。

望遠行

春日遲遲思寂寥。行客關山路遙。瓊窓時聽語  
鶯嬌。柳絲牽恨一條條。休暈繡罷吹簫。兒逐  
殘花暗凋。同心猶結舊裙腰。忍辜風月度良宵。

其二

露滴幽庭落葉時。愁聚蕭娘柳眉。玉郎一去負  
佳期。水雲迢遞鴈書遲。屏半掩枕斜欹。蠟淚

無言對垂吟。蛩斷續漏頻移。入窻明月鑒空帷。

菩薩蠻

迴塘風起波紋細。刺桐花裏門斜閉。殘日照平蕪。雙雙飛鷓鴣。征帆何處客。相見還相隔。不語欲魂銷。望中煙水遙。

其二

等閑將度三春景。簾垂碧砌參差影。曲檻日初斜。杜鵑啼落花。恨君容易處。又話瀟湘去。凝思倚屏山。淚流紅臉斑。

其四

隔簾微雨雙飛燕。砌花零落紅深淺。拾得寶箏  
調。心隨征棹遙。楚天雲外路。動便經年去。香  
斷畫屏深。舊歡何處尋。

西溪子

金縷翠鈿浮動。粧罷小窓圓夢。日高時。春已老。  
人來到。滿地落花慵掃。無語倚屏風。泣殘紅。

虞美人

金籠鶯報天將曙。驚起分飛處。夜來潛與玉郎  
期。多情不覺酒醒遲。失歸期。映花避月遙相  
送。膩髻偏垂鳳。却迴嬌步入香閨。倚屏無語撚

雲笳。翠眉低。

河傳

去去何處。迢迢巴楚。山水相連。朝雲暮雨。依舊  
十二峯前。猿聲到客船。愁腸豈異丁香結。因  
離別。故國音書絕。想佳人。花下對明月。春風恨  
應同。

其二

春暮微雨。送君南浦。愁斂雙蛾。落花深處。啼鳥  
似逐離歌。粉檀珠淚和。臨流更把同心結。情  
哽咽。後會何時節。不堪回首相望已。隔汀洲。擗



聲幽。

花間集卷第十

右花間集十卷皆唐末才士長短句  
情真而調逸思深而言婉嗟乎雖文  
之靡無補於世亦可謂工矣建康舊  
有本比得往年例卷猶載郡將監司  
僚幕之行有六朝寶錄與花間集之  
贐又他處本皆訛舛迺是正而復刊  
聊以存舊事云紹興十八年二月二  
日濟陽晁謙之題

正德辛巳吳郡陸元大宋本重刻